

947

P 89

947

P-89

РУССКАЯ

АВРА

947

P-89



As.  
90/6/12-35

romans et poe

20/387

- Montepin, X. Inès de Pénaranda. 1859. 1 v.—1 r.  
- Génévieve Galliot. 1853. 1 v.—1 r. 50 c.  
- L'invisible. 1858. 1 v.—1 r.  
- Les confessions d'un bohème. 1 v.—1 r.  
- Les filles de Platre. 1856. 4 v.—4 r.  
- La reine Emeraude. 1855. 1 v.—2 r.  
- Un drame dans les montagnes. 1856. 1 v.—1 r.  
- Les amours d'un forçat. 1856. 4 v.—1 r. 50 c.  
- Le secret de la comtesse. 1876. 2 v.—5 r.  
- La vicomtesse Germaine. 1875. 3 v.—5 r.  
- Les tragédies de Paris. 1874. 4 v.—5 r.  
- Les valets de cœur. 1853. 1 v.—1 r. 75 c.  
- Les viveurs de Paris. 1853. 4 v.—4 r.  
- Le duc de Saba. 1852. 1 v.—1 r. 50 c.  
- Le commandeur. 1852. 1 v.—1 r. 50 c.  
- Les confessions de Tullia. 1873. 1 v.—1 r. 50 c.  
- Le diot. 1856. 2 v.—3 r.  
- La demoiselle Lucifer. 1853. 1 v.—1 r. 50 c.  
- Les oiseaux de nuit. 3 v.—3 r.  
- Le loup noir. 1851. 1 v.—1 r. 50 c.  
- L'été. 1850. 2 v.—1 r. 50 c.







# ПАМЯТНИКИ РУССКОЙ ИСТОРИИ

ИЗДАВАЕМЫЕ ПОДЪ РЕДАКЦІЕЙ

преподавателей русской исторіи: профессоръ М. М. Богословскаго, Ю. В. Готье,  
А. А. Кизеветтера, М. Любавскаго, приватъ-доцентовъ С. В. Бахрушина и  
А. И. Яковлева.

---

## Русская Правда.

---

*Подъ редакціей А. И. Яковлева.*

ИЗДАНИЕ

Т-ва „В. В. Думновъ, насл. бр. Салаевыхъ“.

---

Цѣна 35 коп.

947

В-89



МОСКВА.—1914.





К<sub>о</sub> ЖК

# ПАМЯТНИКИ РУССКОЙ ИСТОРИИ,

ИЗДАВАЕМЫЕ ПОДЪ РЕДАКЦІЕЙ

преподавателей русской исторіи: профессоръ М. М. Богословскаго, Ю. В. Готье,  
А. А. Кизеветтера, М. Любавскаго, приватъ-доцентовъ С. В. Бахрушина и  
А. И. Яковлева.

---



# Русская Правда.

-м

Подъ редакціей А. И. Яковлева.

59775

49 л.

ИЗДАНИЕ

Т-ва „В. Думновъ, насл. бр. Салаевыхъ“.

Цена 35 коп.

944

Р 89

14449



МОСКВА.—1914.

СВ

Om

Москва. — 1914.

ТИПОГРАФІЯ В. М. САБЛИНА.

Петровка, д. 26. Тел. 131-34.



## ПРЕДИСЛОВІЕ.

---

Настоящее изданіе преслѣдуетъ тѣ же цѣли, какъ и предыдущіе выпуски „Памятниковъ русской исторіи“: занимающемуся дается только самый текстъ памятниковъ безъ всякихъ комментаріевъ.

Русская Правда нынѣ издается, слѣдуя тексту изданій Н. В. Калачова и М. Ф. Владимірскаго-Буданова по 5 спискамъ: Академическому, Троицкому, Карамзинскому, Синодальному и списку князя Оболенскаго. обстоятельный комментарій къ спискамъ Академическому и Карамзинскому занимающійся найдетъ въ превосходной „Хрестоматіи по исторіи русскаго права“ М. Ф. Владимірскаго-Буданова, вып. I. Тамъ же данъ списокъ изданій Русской Правды и работъ, ей посвященныхъ. Пополнимъ этотъ списокъ указаніемъ на статьи о закупахъ г. Ясинскаго въ „Сборникѣ, посвященномъ М. Ф. Владимірскому-Буданову“ (Кіевъ, 1904) и г. Яковкина въ Журналѣ Министерства Народнаго Просвѣщенія за 1913 г., №№ 4 и 5, и на имѣющій капитальное значеніе для изученія Русской Правды трудъ Prof. L. K. Goetz „Das Russische Recht (Русская Правда)“. Stuttgart. 1910 — 1913 гг. В. I—IV.







# I.

## СПИСОКЪ АКАДЕМИЧЕСКІЙ.

### Правда. Росская.

1. Оубѣсть моужь моужа, то мѣститъ братоу брата, или сынови отца, либо отцю сына, или братоу чадоу, либо сестриноу сынови; аще не боудеть кто мѣсти, то 40 гривенъ за голову: аще боудеть роусинъ, либо гридинъ, либо коупчина, либо ябетникъ, либо мечникъ, аще изъгой боудеть, либо словенинъ, то 40 гривенъ положить зань.

2. Или боудеть кровавъ или сишь надъраженъ, то не искати емоу видока челоуѣкоу томоу; аще не боудеть на немъ знаменіа никотораго же, толи прїидеть видокъ; аще ли не можетъ, тоу томоу конецъ. Оже ли себе не можетъ мѣстити, то взяти емоу за обиду 3. гривнѣ, а лѣтцю мѣзда.

3. Аще ли кто кого оударить батогомъ, либо жердью, либо пѣстью, или чапѣю, или рогомъ, или тылеснію: то 12 гривенѣ; аще сего не постигнуть, то платити емоу: то тоу конецъ.

4. Аще оутнеть мечемъ, а не вынемъ его, либо роукоятю: то 12 гривенѣ за обиду.

5. Оже ли оутнеть роукоу, и отпадеть роука, либо оусохнеть: то 40 гривенъ; аще боудеть нога цѣла, или начынетъ храмати, тогда чада смирать.

6. Аще ли персть оутнеть которыи либо: 3. гривны за обиду.

7. А во оусѣ 12 гривенѣ; а въ бородѣ 12 гривенѣ.

8. Оже ли кто вынезь мечь, а не тнеть: то тѣмъ гривноу положить.

9. Аще ли ринеть моужь моужа, либо отъ себе, либо къ собѣ: 3. гривенѣ; а видока два вывести, или боудеть варягъ или колбѣягъ, то на ротоу.

10. Аще ли челядинъ съкрыется, либо оу варяга, либо оу колбѣяга, а его за три дни не выведоуть, а познають и въ третїи день: то изымати емоу свои челядинъ, а 3. гривенѣ за обиду.

11. Аще кто поѣдетъ на чужемъ конѣ, не прошавъ его, то положить 3. гривенѣ.

12. Аще пойметъ кто чюжь конь, либо оружіе, либо портъ, а познаеть въ своемъ мироу: то, взяти емоу свое, а 3. гривенѣ за обиду.

13. Аще познаеть кто, не емлетъ его, то не рци емоу: мое; нъ рци емоу тако: поиди на сводъ, гдѣ еси взялъ; или не поидеть, то пороучника за пять днїи.



14. Аже гдѣ възыщеть на друзѣ проче, а онъ ся заширати почнеть: то ити ему на изводъ предъ 12 человекъ, да еще боудеть обидя не вдаль боудеть достоино емоу свои скотъ, а за обиду 3. гривнѣ.

15. Аще кто челядинъ пояти хоцеть, познавъ свои, то къ оному вести, оу кого то боудеть коушилъ, а тои ся ведеть. о другомоу, даже доидеть до третьего, то рци третьемоу: вдай ты мнѣ свои челядинъ, а ты своего скота ищи при видоцѣ.

16. Или холопъ оударить свободна моужа, а бѣжить въ хоромъ, а господинъ начнеть не дати его: то холопа пояти, да платитъ господинъ занъ 12 гривнѣ; а за тымъ где его налѣзоутъ оударенныи тои моужь, да бьютъ его.

17. А иже изломить копые, любо щить, любо портъ, а начнеть хотѣти его деръжати оу себе, то пріати скота оу него; а иже есть изломилъ, аще ли начнеть примѣтати, то скотомъ емоу заплатити колько далъ боудеть на немъ.

Правда оуставлена Роуськой земли, егда ся съвокоушилъ Изяславъ, Всеволодъ, Святославъ, Коснячко, Перенѣгъ, Микыфоръ Кыянинъ, Чюдинъ, Микула:

18. Аще оубьютъ огнищанина въ обиду, то платити занъ 80 гривенъ оубинци, а людемъ не надобѣ; а въ подъѣздномъ княжи 80 гривенъ.

19. А иже оубьютъ огнищанина въ разбон, или оубинца не ицоутъ; то вирное платити въ ней же ви.р.и голова начнеть лежати.

20. Аже оубьютъ огнищанина оу клѣти, или оу коня, или оу говяда, или оу коровѣ татѣбы, то оубити въ пса мѣсто; а тоже поконъ и тивоунцоу.

21. А въ княжи тивоунѣ 80 гривенъ; а конюхъ старыи оу стада 80 гривенъ, яко оуставилъ Изяславъ въ своемъ конюсѣ, его же оубилъ Дорогобоудьци.

22. А въ сельскомъ старостѣ княжи и въ ратаинѣмъ 12 гривнѣ; а въ рядовици княжѣ 5 гривенъ.

23. А въ смердѣ и въ холѣ 5 гривенъ.

24. Аще роба кормилица, любо кормиличицъ, 12.

25. А за княжъ конь, иже тои съ пятномъ, 3. гривнѣ; а за смердѣи 2 гривнѣ.

26. За кобылоу 60 рѣзанъ; а за волъ гривноу; а за коровоу 40 рѣзанъ; а третьякъ 15 коунъ; а за лоньщиноу полъгривнѣ; а за теля 5 рѣзанъ; за яря ногата; за боранъ ногата.

27. А оже оуведеть чужъ холопъ любо робоу, платити емоу за обиду 12 гривнѣ.

28. Аще же приндетъ кровавъ моужь любо синь, то не искати ему послуха.

29. А иже крадеть любо конъ, любо волы, или клѣтъ, да аще боудеть единъ кралъ, то гривноу и тридесять рѣзанъ платити емоу; или ихъ будеть 18, то по трѣ гривнѣ и по 30. рѣзанъ платити моужевѣ.

30. А въ княжѣ борти 3. гривнѣ любо пожгутъ, любо изоудроутъ<sup>1)</sup>.

31. Или смердъ оумочать, а безъ княжа слова, за обиду 3. гривны.

<sup>1)</sup> Изъ этой статьи въ списокъ Ростовскомъ прибавлено: а въ смердѣи 2 въгривнѣ (чит. гривнѣ).



32. А въ гнищанинѣ и въ тивоуницѣ и въ мечници 12 гривнѣ.

33. А иже межоу переоретъ любо перетесъ, то за обиду 12 гривнѣ.

34. А оже лодью оукрадеть, то за лодью платити 30. рѣзанъ, а продажи 60 рѣзанъ.

35. А въ голоубѣ и коуряти 9 коунъ.

36. А въ оуткѣ, и въ гоусѣ, и въ жеравѣ, и въ лебеди 30. рѣзанъ, а продажи 60 рѣзанъ.

37. А оже оукрадоутъ чюжь песь, любо ястребъ, любо соколъ, то за обиду 3. гривны.

38. Аще оубьютъ татя на своемъ дворѣ, любо оу клѣти, или оу хлѣва, то топ оубить; аще ли до свѣта держать, то вести его на княжь дворъ; а оже ли оубьютъ, а люди боудоутъ видѣли связанъ, то платити въ немъ<sup>1)</sup>.

39. Оже сѣно крадоутъ, то 9 коунъ; а въ дрoвexъ 9 коунъ.

40. Аже оукрадоутъ овъцоу или козоу или свинью, а ихъ боудеть 10 одиноу овъцоу оукралъ, да положить по 60 рѣзанъ продажи.

41. А хто изималъ, томоу 10 рѣзанъ; а отъ грине мечникоу коуна, а въ девятиноу 15 коунъ, а князю 3. гривны; а отъ 12 гривноу емъцоу 70 коунъ, а въ десятиноу 2 гривнѣ, а князю 10 гривенъ.

42. А се поклонъ вирный: вирникоу взяти 7 вѣдоръ солодоу на недѣлю, тѣже овенъ, любо полоть, или двѣ погатѣ; а въ среду рѣзаноу, въ три же сыры, въ пятницоу такоже; а хлѣба по колькоу моугоутъ ясти и пшена; а куръ по двое на день; конѣ 4 поставити и соутити имъ на ротъ колько могоутъ зобати; а вирникоу 60 гривенъ и 10 рѣзанъ 12 вѣверици; а передѣ гривна: или ся пригоди въ говѣнне рѣбами, то взяти за рыбы 7 рѣзанъ: тѣ всѣхъ коунъ 15 коунъ на недѣлю; а борошна колько моугоутъ изъести. До недѣли же ви́ро зберутъ вирници. То ти оуро́къ Ярославъ.

43. А се оуро́къ мостъниковъ: аще помостивше мость, взяти отъ дѣла ногата, а отъ городни́цы ногата; аще же боудеть ветхаго моста потвердити нѣколико доскъ, или 3, или 4, или 5, то тоеже.

---

<sup>1)</sup> За этой статьей въ спискѣ Ростовскомъ слѣдуетъ непосредственно слѣдующая статья, которой недостаетъ въ спискѣ Академическомъ: Оже убьенъ тать, а подымутъ ноги во дворѣ, ино убить; или подымутъ ноги за ворота, толи платити въ немъ.

II.

СПИСОКЪ ТРОИЦКІЙ.

*Судъ Ярославль Володимиръичъ.*

*Правда Русская.*

1. Аже оубиеть мужъ мужа, то мьстити брату брата, либо отцю, ли сыну либо брату чадо, ли братню сынови; аще ли не будетъ кто его мьстя, то положить за голову 80 гривенъ, аче будетъ княжь моужъ или тиоуна княжа; аще ли будетъ русинъ, или гридь, либо купецъ, либо тивунъ боярескъ, либо мечникъ, либо ізгой, ли словѣнникъ: то 40 гривенъ положить зань.

2. По Ярославѣ же пакы совкупившеся сынове его: Изяславъ, Святославъ, Всеволодъ и мужи ихъ: Коснячкы, Перенѣгъ, Никифоръ і отложиша оубиение за голову, по кунамъ ся выкупати; а іно все якоже Ярославъ судилъ, такоже і сынове его оуставиша.

*О оубииствъ.*

3. Аже кто оубиеть княжа мужа въ разбой, а головника не ищють: то вѣрвную платити въ чьей же верви голова лежитъ, то 80 гривенъ; пакиль людинъ, то 40 гривенъ.

4. Которая ли вервь начнетъ платити дикую вѣру, колико лѣтъ заплатитъ ту виру, занеже безъ головника имъ платити; будетъ ли головникъ ихъ въ верви, то зань къ нимъ прикладываетъ, того же дѣля имъ помогати головникоу, либо си дикую вѣру; но сплати имъ вообчи 40 гривенъ, а головничество самому головнику; а въ 40 гривенъ ему заплатити исъ дружины свою часть; но оже будетъ оубилъ или въ свадѣ или въ пиру явлено, то тако ему платити по вервинѣмъ, іже ся прикладываютъ вироу.

*Оже станетъ безъ вины на разбой.*

5. Будетъ ли сталь на разбой безъ всякой свады, то за разбойника люди не платятъ; но выдають и всего съ женою і съ дѣтми на потокъ и на разграбление.

6. Аже кто не вложится въ дикую вѣру, тому людье не помогаютъ, но самъ платитъ.

7. А се покони вирнии были при Ярославѣ: вирнику взяти 7 вѣдеръ солоду на недѣлю, же овенъ, либо полоть, либо 2 ногатѣ; а въ среду куна, же сыръ, а въ пятницу такоже; а куръ по двою ему на день; а хлѣбовъ 7 на недѣлю; а пшена 7 оуборковъ; а гороху 7 оуборковъ; а соли 7 голважень: то то вирнику со отрокомъ; а кони 4, конемъ на ротъ сущи овесь; вирнику 8 гривенъ, а 10 кунъ перекладная, а метелнику 12 вѣшки, а съсадная гривна.

8. Аже будетъ вира во 80 гривенъ, то вирнику 16 гривенъ и 10 кунъ и 12 вѣшки, а переди съсадная гривна, а за голову 3. гривны.



*О княжи мужъ.*

9. Аже въ княжи отроци, или въ конюсѣ, или въ поварѣ: то 40 гривенъ.  
10. А за тивунъ за огнищныи, и за конюшии, то 80 гривенъ.  
11. А въ сельскомъ тивунѣ княжѣ, или въ ратаинѣмъ, то 12 гривенъ; а за рядовича 5 гривенъ, такоже и за боярескѣ.

*О ремесвеницѣ и о ремесвеницѣхъ.*

12. А за ремесвеника и за ремесвеницу, то 12 гривенъ.  
13. А за смердий холопъ 5 гривенъ, а за робу 6 гривенъ.  
14. А за кормилца 12, такоже и за кормилицю, хотя си буди холопъ, хотя си роба.

*О поклепнихи вирѣ.*

15. Аще будетъ на кого поклепная вира, то же будетъ послуховъ 7, то ти яведутъ виру; паки ли варягъ или кто инъ, тогда; а по костехъ и по мертвечи не платитъ верви, аже имене не вѣдаютъ, ни знаютъ его.

*Аже свержеть виру.*

16. А иже свержеть виру, то гривна кунъ сметная отроку; а кто и клепалъ, а тому дати другую гривну, а отъ виры помечнаго 9.

17. Искавше ли послуха не налѣзутъ, а истѣця начнетъ головою клепати: тогда дати имъ правду желѣзо; такоже и во веѣхъ тяжахъ, въ татбѣ и въ поклепѣ, оже не будетъ лица, то тогда дати ему желѣзо изъ неволи до полугривны золота; аже ли мнѣ, то на воду, оли то до дву гривенъ; аже мене, то ротѣ ему ити по своѣ куны.

18. Аже кто оударитъ мечемъ, не вынезъ его, или рукоятю: то 12 гривенъ продажи за обиду.

19. Аже ли вынезъ мечъ, а не оутнеть, то гривна кунъ.

20. Аже кто кого оударитъ батономъ, любо чашею, любо рогомъ, любо тылѣснию: то 12 гривенъ; не терпя ли противу тому оударитъ мечемъ, то вины ему въ томъ нѣтъ.

21. Ачели оутнеть руку и отпадетъ рука, или оусхнеть, или нога, или око, или не оутнеть: то полувирѣ, 20 гривенъ, а тому за вѣкъ 10 гривенъ.

22. Аже персть оутнеть кии любо, 3. гривны продажѣ, а самому гривна коунъ.

*А придетъ кровавъ мужъ.*

23. Аже придетъ кровавъ мужъ на дворъ, или снѣ, то видока ему не искати, по платити ему продажу 3. гривны; аще ли не будетъ на немъ знаменія, то привести ему видокъ: слово противу слова, а кто будетъ почаль, тому плати 60 кунъ; аче же и кровавъ придетъ или будетъ самъ почаль, а вылѣзутъ послуси, то то ему за плетежъ, оже и били.



24. Аже оударить мечемъ, а не оутнеть на смерть, то 3. гривны, а самому гривна за рану, же лѣчебное; потнеть ли на смерть, а вира.

25. Аче погъхнеть мужъ мужа, либо къ собѣ, ли отъ себе, либо по лицу оударить, ли жердью оударить, а видока два выведуть, то 3. гривны продажи; аже будетъ варягъ или колбятъ, то полная видока вывести и идета на ротоу.

#### *О челяди.*

26. А челядинъ скрытеться, а закличють и на торгу, а за 3. дни не выведуть его, а познаеть и третини день: то свои челядинъ поняти, а оному платити 3. гривны продажи.

#### *Аже кто всядеть на чюжь конь.*

27. Аже кто всядеть на чюжь конь не прашавъ, то 3. гривны.

28. Аче кто конь погубить, или оружье, или портъ, а заповѣсть на торгу, а послѣ познаеть въ своемъ городѣ, свое ему лицемъ взяти, а за обиду платити ему 3. гривны.

29. Аже кто познаеть свое, что будетъ погубилъ, или оукрадено оу него что и или конь, или портъ, или скотина, то не рчи и: се мое; но поиди на сводъ, кдѣ есть взялъ; сведитесь, кто будетъ виновать, на того татба снитъ; тогда онъ свое возьметъ, а что погибло боудеть съ нимъ, тоже ему начнеть платити.

30. Аще будетъ коневый тать — выдати князю на потоку; паки ли боудеть клѣтныи тать, то 3. гривны платити емоу.

#### *О сводѣ.*

31. Аже будетъ во одномъ городѣ: то ити истью до конца того свода; будеть ли сводъ по землямъ, то ити ему до третьяго свода, а что будеть лице, то тому платити третьему кунами за лице, а съ лицемъ ити до конца своду, а истью ждати прока; а кдѣ снитъ на конечняго, то тому все платити и продажю.

#### *О татбѣ.*

32. Паки ли будеть что татебно купилъ въ торгу, или конь, или портъ, или скотину, то выведеть свободна мужа два или мытника; аже начнеть не знати оу кого купилъ, то ити по немъ тѣмъ видокомъ на роту, а истью свое лице взяти, а что съ нимъ погибло, а того ему желѣти, а оному желѣти своихъ кунъ, зане не знаеть оу кого купивъ; познаеть ли на долзѣ оу кого то купилъ, то свои куны возьметъ, и сему платити что оу него будеть погибло, а князю продажю.

#### *Аже познаеть кто челядь.*

33. Аще познаеть кто челядинъ свои оукраденъ, а поиметь и, то оному вести и по кунамъ до 3-го свода; пояти же челядина въ челядинъ мѣсто, а оному дати лице, ать идеть до конечняго свода, а то есть не скотъ, нѣ лзѣ рчи: <sup>1)</sup> оу кого

<sup>1)</sup> Въ подлинникѣ здѣсь пропущены слова: не вѣдѣ или не вѣдаю.



есмъ купилъ; но по языку ити до конца, а кдѣ будетъ кончнии тать, то опять воротять челядина, а свои поиметь, и проторъ тому же платити.

34. А князю продажѣ 12 гривенъ въ челядинѣ или оукрадше.

*О сводаъ же.*

35. А и-своего города въ чюжую землю свода нѣтуть; но такоже вывести ему послухи, либо мытника, передъ кимъ же купивше: то истцю лице взяти, а прока ему желѣти, что съ нимъ погибло, а оному своихъ кунъ желѣти.

*О татѣ.*

36. Аже оубиють кого оу клѣти или оу котороѣ татѣ, то оубиють во псамѣсто; аже ли и додержать свѣта, то вести на княжъ дворъ; оже ли оубиють и, а оуже боудуть людие связана видѣли, то платити въ томъ 12 гривенъ.

37. Аже крадетъ кто скотъ въ хлѣвѣ или клѣтѣ, то же будетъ одинъ, то платити ему 3. гривны и 30. кунъ; будетъ ли ихъ много, всѣмъ по 3. гривны и по 30. кунъ платити.

*О татѣ иже кто скота взищеть.*

38. Аже крадетъ скотъ на поли, или овцѣ, или козы, или свиньи, 60 кунъ; будетъ ли ихъ много, то всѣмъ по 60 кунъ.

39. Аже крадетъ гумно или жито въ ямѣ, то колико ихъ будетъ крало, то всѣмъ по 3. гривны и по 30. кунъ; а оу него же погибло, то оже будетъ лице, лице поиметь, а за лѣто возметъ по полугривнѣ.

40. Паки ли лица не будетъ, а будетъ былъ княжъ конь, то платити занъ 3. гривны, а за инѣхъ по 2 гривны.

*А се оуроци скоту.*

41. Аже за кобылу 7 кунъ, а за волъ гривна, а за корову 40 кунъ, а за третьяку 30. кунъ, за лоньщину полгривны, за теля 5 кунъ, а за свинью 5 кунъ, а за пороса ногата, за овцю 5 кунъ, за боранъ ногата, а за жеребецъ, аже не всѣдано нанъ, гривна кунъ, за жеребя 6 ногатъ, а за коровие молоко 6 ногатъ: то ти оуроци смердомъ, оже платять князю продажо.

*Аже будутъ холопи татѣ, судъ княжъ.*

42. Аже будутъ холопи татие, либо княжи, либо боярьстни, либо чернечь, ихъ же князь продажою не казнить, зане суть несвободни: то двоиче платити ко истцю за обиду.

*Оже кто кунъ взищеть.*

43. Аже кто взищеть кунъ на друзѣ, а онъ ся начнетъ запирати, то оже нанъ вывести послуши, то ти пойдуть на роту, а онъ возметъ свои кунъ; занеже не далъ ему кунъ за много лѣтъ, то платити ему за обиду 3. гривны.

44. Аже кто купец купцю дасть куплю въ куны или въ гостьбу, то купцю предъ послухи кунъ не имати, послуши ему не надобѣ; но ити ему самому ротѣ, аже ся почнетъ запырати.

*О поклажачи.*

45. Аже кто поклажан кладець оу кого любо, то ту послуха пѣсть;....<sup>1)</sup> начнетъ болшимъ клепати, тому ити ротѣ, оу кого то лежалъ товаръ;....<sup>2)</sup> еси оу мене положишь, зан...<sup>3)</sup> ему въ болого лѣль и хоронилъ товаръ того.

*О рѣзѣ.*

46. Аже кто дасть куны въ рѣзъ, или наставъ въ медъ, или жито во при-сопъ, то послухи ему ставити: како ся будетъ рядилъ, такоже ему имати.

*О мѣсячнѣмъ рѣзѣ.*

47. О мѣсячнѣмъ рѣзѣ, оже за мало, то имати ему; заидуть ли ся куны до того же года, то дадять ему куны въ треть, а мѣсячнѣмъ рѣзѣ погрепути; послуховъ ли не будетъ, а будетъ кунъ 3. гривны, то ити ему про своѣ куны ротѣ; будетъ ли боле кунъ, то речи ему тако: промиловался еси, оже еси не ставилъ послуховъ.

*Оуставъ Володимѣрь Всеволодича.*

48. Володимѣрь Всеволодичъ, по Святополцѣ, созва дружину свою на Берестовѣмъ; Ратибора, Кнєвьско тысячьского, Прокопю, Бѣлогородьского тысячьского, Стаислава, Перяславьского тысячьского, Нажира, Мирослава, Иванка Чюдиновича, Олгова мужа, и оуоставили до третьяго рѣза, оже емлетъ въ треть куны; аже кто возьметъ два рѣза, то то ему взяти исто; паки ли возьметъ три рѣзы, то нѣста ему не взяти.

49. Аже кто емлетъ по 10 кунъ отъ лѣта на гривну, то того не отмѣтати.

*Аже: которыи купецъ истопитъся.*

50. Аже которыи купецъ, кдѣ любо шедъ съ чюжими кунами, истопитъся, любо рать возьметъ, ли огонь: то не насилити ему, ни продати его; но како начнетъ отъ лѣта платити, такоже платитъ запеже пагуба отъ Бога есть, а не виновать есть; аже ли пропнеться или пробнеться, а въ безумьи чюжь товаръ испортитъ, то како любо тѣмъ, чин то товаръ, ждуть ли ему, а своя имъ воля, продадять ли, а своя имъ воля.

*О должѣ.*

51. Аже кто многимъ долженъ будеть, а пришедъ господь изъ иного города или чюжеземець, а не вѣдая запуститъ занъ товаръ, а опять начнетъ не дати гости

<sup>1)</sup> Здѣсь въ подлинникѣ стерты слова: по оже.

<sup>2)</sup> Стерты слова: а только.

<sup>3)</sup> Недост.: еже.

кунъ, а первни долже бити начнуть ему запинати, не дадуче ему кунъ: то вести и на торгъ, продати же и отдати же первое гостины коуны, а домашнимъ, что ся останеть кунъ, тѣмъ же ся подѣлять; паки ли будутъ княжи куны: то княжи куны первое взяти, а прокъ въ дѣль; аже кто много рѣза ималъ, не имати тому

*Аже закупъ бѣжитъ.*

52. Аже закупъ отъ господы, то обель, идеть ли искать кунъ, а явлено ходитъ, или ко князю, или къ судиямъ бѣжитъ обиды дѣля своего господина: то про то не робять его, но дати емоу правдоу.

*О закупъ же.*

53. Аже оу господина роленнымъ закупъ, а погубить воискии конь, то не платити ему; но еже далъ ему господинъ плугъ и борону, отъ него же купу емлетъ, то то погубивше платити; аже ли господинъ его отселеть на свое орудье, а погибнеть безъ него, то того ему не платити.

*О закупъ же.*

54. Аже изъ хлѣва вывести, то закупу того не платити; но же погубить на поли, и въ дворъ не вженеть и не затворить, кдѣ ему господинъ велить, или орудья своя дѣля, а того погубить: то то емоу платити.

55. Аже господинъ переобидить закоупа, а оувидить купу его или отарицу, то то ему все воротити, а за обиду платити ему 60 кунъ; паки ли приметь на немъ кунъ, то опять ему воротити куны, что будетъ принялъ, а за обиду платити ему 3. гривны продажи; продасть ли господинъ закоупа обель, то паймиту свобода во всѣхъ кунахъ, а господину за обиду платити 12 гривенъ продажѣ; аже господинъ бѣеть закоупа про дѣло, то безъ вины есть; биеть ли не смысла пьянъ, а безъ вины, то якоже въ свободнѣмъ платежъ, такоже и въ закупѣ.

56. Аже холопъ обелныи выведеть конь чинъ любо, то платити за нь 2 гривны.

*О закупъ.*

57. Аже закупъ вывести что, то господинъ въ немъ; но еже кдѣ и налѣзуть, то предъ заплатитъ господинъ его конь или что будетъ ино взятъ, ему холопъ обелныи, и паки ли господинъ не хотѣти начнеть платити за нь, а продасть и, отдасть же переди или за конь, или за волю, или за товаръ, что будетъ чюжего взятъ, а прокъ ему самому взяти собѣ.

*А се аже холопъ оударитъ.*

58. А се аже холопъ оударить свобода мужа, а оубѣжитъ въ хоромъ, а господинъ его не выдасть, то платити за нь господину 12 гривенъ, а за тѣмъ аче и кдѣ налѣзеть оударенныи тѣ своего истця, кто его оударилъ, то Ярославъ былъ.



оуставиль оубити и; но сынове его по отци оуставиша на кѹны, любо бити и роз-  
вязавше, любо ли взяти гривна кунѣ за соромѣ.

*О послушствѣ.*

59. А послушства на холопа не складають; но оже не будетъ свободнаго,  
но по пужи сложити на боярьска тивуна, а на инѣхъ не складывати. А въ малѣ  
тяжѣ по пужи възложить на закупа.

*О бородѣ.*

60. А кто порветъ бородоу, а вѣнметъ знамение, а вылѣзутъ людие, то 12  
гривенѣ продажѣ; аже безъ людии, а въ поклепѣ, то нѣту продажѣ.

*О зубѣ.*

61. Аже выбьютъ зубъ, а кровь видять оу него во ртѣ, а людѣ вылѣзутъ,  
то 12 гривенѣ продажѣ, а за зубъ гривна.

62. Аже оукрадетъ кто бообръ, то 12 гривенѣ.

63. Аже будетъ росѣчена земля илѣ знамение, имѣ же ловлено, или сѣтъ: то  
по верви искати тати, ли платити продажо.

*Аже кто борть разнаменаетъ.*

64. Аже разнаменаетъ борть, то 12 гривенѣ.

65. Аже межю перетнеть бортьную, или ролеиную разореть, или дворную ты-  
номъ перегородить межю: то 12 гривенѣ продажи.

66. Аже дубъ подотнеть знаменными или межными, то 12 гривенѣ продажѣ.

*А се наклады.*

67. А се наклады 12 гривенѣ: отроку 2 гривны и 20 кунѣ, а самому ѣхати  
со отрокомъ на дву коню; сѹти же на ротъ овесѣ, а мясо дати овенѣ любо по-  
лотъ, а нѣмъ кормомъ что има черево возметъ; писцю 10 кунѣ; перекладнаго 5  
кунѣ; на мѣхѣ двѣ ногатѣ.

*А се о борти.*

68. Аже борть подѣтнеть, то 3. гривны продажѣ, а за дерево полгривны.

69. Аже пчелы выдереть, то 3. гривны продажи, а за медъ, аже будетъ пчелы  
не лажены, то 10 кунѣ; будетъ ли олѣкѣ, то 5 кунѣ.

70. Не будетъ ли тати, то по слѣду женуть; аже не <sup>1)</sup> боудеть слѣда, ли къ  
селу, или къ товару, а не отсочать отъ себе слѣда, ни ѣдутъ на слѣдѣ, или  
отбьются, то тѣмъ платити татбу и продажо, а слѣдъ гнати съ чюжими людьми  
а съ послухи; аже погубять слѣдъ на гостиньцѣ на велицѣ, а села не будетъ,  
или на пустѣ, кдѣ же не будетъ ни села, ни людии, то не платити ни продажи,  
ни татбы.

<sup>1)</sup> Здѣсь слово: не, повидимому, лишнее.

*О смердѣ.*

71. Аже смердъ мучить смерда безъ княжа слова, то 3. гривны продажи, а за муку гривна кунъ.

72. Аже огнищанина мучить, то 12. гривенъ продажѣ, а за муку гривна.

73. Аже лодью оукрадеть, то 60 кунъ продажѣ, а лодию лицомъ воротити, а морскую лодью 3. гривны, а за набонную лодью 2 гривны; за челнъ 20 кунъ, а за стругъ гривна.

*О перевѣсѣхъ.*

74. Аже кто подотнеть вервь въ перевѣсѣ, то 3. гривны продажи, а господину за вервь гривна кунъ.

75. Аже кто оукрадеть въ чьемъ перевѣсѣ ястребъ или соколъ, то продажѣ 3. гривны, а господину гривна.

76. А за голубь 9 кунъ, а за куря 9 кунъ, а за оутовъ 30. кунъ.

77. А за гусь 30. кунъ, а за лебедь 30. кунъ, а за жеравль 30. кунъ.

78. А въ сѣнѣхъ и въ дровѣхъ 9. кунъ, а господину колико боудеть возъ оукрадено, то имати ему за возъ по 2 ногатѣ.

*О гумнѣ.*

79. Аже зажгутъ гумно, то на потокъ на грабежъ домъ его, переди пагубу исплативши, а въ процѣ князю поточити і; такоже аже кто дворъ зажжеть.

80. А кто пакощами конь порѣжеть или скотину, продажѣ 12 гривенъ, а пагубу господину оурокъ платити.

81. Ты тяжѣ всѣ судять послухи свободными; будеть ли послухъ холопъ, то холопу на правду не вылазити; но оже хощеть истецъ или иметь и, а река тако: по сего рѣчи емлю тя, по язъ емлю тя, а не холопъ, и емѣти и на желѣзо; аже обвинити и, то емлетъ на немъ свое, не обвинитъ ли его, платити ему гривна за муку, зане по холопъ рѣчи ялъ и.

82. А желѣзного платити 40 кунъ, а мечинку 5 кунъ, а полг гривны дѣтскому: то ти желѣзныи оурокъ, кто си въ чемъ емлетъ. Аже иметь на желѣзо по свободныхъ людей рѣчи, либо ли запа нанъ будеть, либо прохождение ночное, или кимъ либо образомъ аже не ожжеться, то про муки не платити ему; по одино желѣзное кто и будеть ялъ.

*О женѣ.*

83. Аже кто оубиеть жену, то тѣмъ же судомъ судити якоже и мужа, аже будеть виноватъ: то полвиры, 20 гривенъ.

84. А въ холопѣхъ и въ робѣхъ виры пѣтуть; но оже будеть безъ вины оубиеть, то за холопъ оурокъ платити, или за робу, а князю 12 гривенъ продажѣ.

*Аже оумреть смердь.*

85. Аже смердь оумреть, то задницю князю; аже будутъ дщери оу него дома, то даяти часть на нѣ; аже будутъ за мужемъ, то не даяти части имъ.

*О задницѣ боярѣсти и о дружнѣти.*

86. Аже въ боярехъ любо въ дружинѣ, то за князя задниця не идетъ; но оже не будетъ сыновъ, а дщери возмуть.

87. Аже кто оумирая раздѣлитъ домъ свои дѣтемъ, на томъ же стояти; паки ли безъ ряду оумреть, то всѣмъ дѣтемъ, а на самого часть дати души.

88. Аже жена сядетъ по мужи, то на ню часть дати, а что на ню мужъ възложить, тому же есть госпожа, а задниця ей мужня не надобѣ; будутъ ли дѣти, то что первоѣ жены, то то возмуть дѣти матери своея, любо си на женоу будетъ възложилъ, обаче матери своей возмуть.

89. Аже будетъ сестра въ домоу, то той задницѣ не имати, но отдавать ю за мужъ братия, како си могутъ.

*А се закладающе городъ.*

90. А се оуроци городнику: закладающе городно, куну взяти, а кончавше погата; а за кормъ и за вологу и за мяса и за рыбы 7 кунъ на недѣлю, 7 хлѣбовъ, 7 оуборковъ пшена, 7 луконовъ овса на 4 кони, имати же ему донелѣ городъ срубятъ, а солоду одну даять 10 луконовъ.

*О мостницѣхъ.*

91. А се мостнику оуроци: помостивше мостъ, взяти отъ 10 локотъ по погатѣ аже починитъ моста ветхаго, то колико городнѣ починитъ, то взяти ему по купѣ отъ городнѣ, а мостнику самому ѣхати со отрокомъ на дву коню, 4 лука овса на недѣлю, а ѣсть что можетъ.

*А се о задницѣ.*

92. Аже будутъ робѣи дѣти оу мужа, то задници имъ не имати; но свобода имъ съ матерью.

93. Аже будутъ въ дому дѣти мали, а не джи ся будутъ сами собою печаловати, а мати имъ поидетъ за мужъ, то кто имъ ближии будетъ, тому же дати на руцѣ і съ добыткомъ и съ домоу донелѣже возмогутъ; а товаръ дати передъ людьми, а что срѣзитъ товаромъ тѣмъ ли пригоститъ, то то ему собѣ, а истыи товаръ воротитъ имъ, а прикупъ ему собѣ, зане кормилъ и печаловалъ ся ими; аже отъ челяди плодъ или отъ скота, то то все поимати лицемъ; что ли будетъ ростерялъ, то то все ему платити дѣтемъ тѣмъ.

94. Аче же и отчимъ приметь дѣти съ задницею, то такоже есть рядъ, а дворъ безъ дѣла отенъ всякъ меншему сынову.



*О женѣ, аже ворчется сѣдѣти.*

95. Аже жена ворчется сѣдѣти по мужи, а ростеряетъ добытокъ и поидеть за мужъ, то платити ей все дѣтемъ; не хотѣти ли начнуть дѣти ей ни на дворѣ, а она начнетъ всяко хотѣти и сѣдѣти, то творити всяко волю, а дѣтемъ не дати воли; но что ей далъ мужъ, съ тѣмъ же ей сѣдѣти, или свою часть взявше сѣдѣти же.

96. А матерня часть не надобѣ дѣтемъ; но кому мати дастъ, тому же взяти; дастъ ли всѣмъ, а вси роздѣлять; безъ языка ли оумреть, то оу кого будетъ на дворѣ была и кто ю кормилъ, то тому взяти.

97. Аже будутъ двою мужю дѣти, а единоѣ матери, то онѣмъ своего отца задниця, а онѣмъ своего; будетъ ли потерялъ своего инчима что, а онѣхъ отца, а оумреть, то възворотитъ брату, на неже и людѣ выльзутъ, что будетъ отецъ его истерялъ инчимля, а что ему своего отца, то держать.

98. А матери которыи сынъ добръ, перваго ли, другаго ли, тому же дастъ свое; аче и вси сынове ей будутъ лиси, а дчери можетъ дати, кто ю кормитъ.

*А се оуроци судебнии.*

99. А се оуроци судебнии: отъ виры 9 кунъ, а метелнику 9 вѣкошь, а отъ бортноѣ земли 30. кунъ, а о инѣхъ о всѣхъ тяжѣ, кому помогутъ, по 4 куны, а метелнику 6. вѣкошь.

*О задницѣ.*

100. Аже братья ростяжются передъ княземъ о задницю, которыи дѣтскии идѣтъ ихъ дѣлать, то тому взяти гривна коунъ.

*Оуроци ротнии.*

101. А се оуроци ротнии; отъ головы 30. кунъ, а отъ бортноѣ земли 30. кунъ бесъ трии кунъ; такоже и отъ ролеиноѣ земли, а отъ свободы 9 кунъ.

*О холопствѣ.*

102. Холопство обельное трое: оже кто хотя купить до полугривны, а послухи поставитъ, а погату дастъ передъ самѣмъ холопомъ.

103. А второе холопство: поиметь робу безъ ряду; поиметь ли съ рядомъ, то како ся будетъ радиать, на томъ же стоять.

104. А се третье холопство: тивунство безъ ряду или привяжеть ключъ къ собѣ безъ ряду; съ рядомъ ли, то како ся будетъ радиать, на томъ же стоять.

105. А въдачь не холопъ, ни по хлѣбѣ работять, ни по придацьцѣ; но оже не доходятъ года, то ворочати ему милость; отходить ли, то не виновать есть.

106. Аже холопъ бѣжитъ, а заповѣсть господниѣ, аже слышавъ кто, или зная и въдая, оже есть холопъ, а дастъ ему хлѣба или оукажетъ ему путь, то платити ему за холопъ 5 гривень, а за робу 6 гривень.

107. Аже кто переиметь чюжь холопъ і дасть вѣсть господину его, то имати ему переемъ гривна; не оублюдетъ ли, то платити ему 4 гривны, а пятая переемная ему; а будетъ роба, то 5 гривенъ, а шестая на переемъ отходить.

108. Аже кто своего холопа самъ досочиться въ чьемъ любо городѣ, а будетъ посажникъ не вѣдалъ его, то, повѣдавши ему, пояти же ему отрокъ отъ него и шедше оувязати и і дати ему вязебную 10 кунъ, а переима нѣтуть; аче оупустити и гоня, а собѣ ему пагуба, а платитъ въ то никтоже, тѣмъ же и переима нѣтуть.

109. Аже кто не вѣдая чюжь холопъ оусрячетъ и, или повѣсть дѣеть, любо держити и оу себе, а идеть отъ него, то ити ему ротѣ, яко не вѣдалъ есмь, оже естъ холопъ, а платежа въ томъ нѣтуть.

110. Аче же холопъ кдѣ куны вложить, а онъ будетъ не вѣдая вдаль, то господину выкупати али лишитися его; вѣдая ли будетъ даль, а кунъ ему лишитися.

111. Аже пуститъ холопъ въ торгъ, а одолжаетъ, то выкупати его господину и не лишитися его.

112. Аже кто кренеть чюжь холопъ не вѣдая, то первому господину холопъ поняти, а оному куны имате ротѣ ходивше, яко не вѣдая есмь купилъ.

113. <sup>1)</sup> господину же и товаръ, а не лишатися его.

114. Аже кто бѣжа, а понметъ сусѣдне что или товаръ, то господину платити зань оуроку, что будетъ взялъ.

115. Аже холопъ крадетъ кого любо, то господину выкупати и любо выдати и съ кимъ будетъ краль, а женѣ и дѣтемъ ненадобѣ; но оже будутъ съ нимъ крали и хоронили, то всѣхъ выдати; пакн ли а выкупаеть господинъ; аже будутъ свободнии съ нимъ крали или хоронили, то князю въ продажѣ.

### III.

## СПИСОКЪ КАРАМЗИНСКІЙ.

*Оуставъ Великого Князя Ярослава Владимерича о судѣхъ.  
Судѣ о душегоубѣствѣ.*

### Правда Роуская.

1. Аже оубиеть кто моужа, то мьстити братоу брата, любо отецъ <sup>2)</sup>, или сыну, любо братъ-чадоу <sup>3)</sup>, ли братию сынови; оже не будетъ кто его мьстяти, то положить за голову 80 гривенъ аще ли боудеть княжь моужъ или тноунъ княжь; аци ли боудеть роусинъ, горожанинъ, или гридъ, или коупецъ, или тноунъ боярьскыи, или мечникъ, любо изгон, ли словѣникъ, 40 гривенъ положити зань.

<sup>1)</sup> Здѣсь, во всѣхъ спискахъ этой редакціи, недостаетъ слѣдующихъ словъ, необходимыхъ для полноты смысла: Оже холопъ бѣгая добудеть товару, то господину холопъ и долгъ ср. въ слѣдующей статьѣ 130.

<sup>2)</sup> Должно быть: отцю. — <sup>3)</sup> брату-чаду.

*Соудъ Ярославльхъ дѣтей.*

2. По Ярославѣ же паки совѣкоупившесе сынове его: Изяславъ, Свято-славъ, Всеволодъ и моужь ихъ: Косичко, Перепѣтъ, Никифоръ и отложиша оубиеніе за голову, но коунами ся выкупати; а иное все якоже Ярославъ судилъ <sup>1)</sup>.

*О оубииствѣ соудъ.*

3. Аже кто оубиеть княжа моужа въ разбои, а головника не ищють, то вервнюю платити въ чей же вервь голова лежитъ: то 80 гривенъ; аще ли людинъ, то 40 гривенъ.

4. Которая ли вервь начнетъ платити дикоую виру, колико лѣтъ за тоу платять тоу виру, занеже безъ головника имъ платити; боудеть ли головникъ ихъ въ вервь, то зане къ нимъ прикладывають, того же дѣля имъ помогати головнику, либо си дикоую виру; но платити и вѣснчѣ 40 гривенъ, а головничество, а то самому головнику; а въ сороцѣ гривенъ заплатити ему изъ дружины своею часть <sup>2)</sup>; но оже боудеть оубилъ оже въ свадѣ или въ пироу явлено, то тако ему платити по вервиннѣ, еже ся прикладывають вирою.

*Оже станеть безъ вины разбои <sup>3)</sup>.*

5. Боудеть ли стоятъ на разбои безо всякыя свады, то за разбоиника люди не платять, но выдабоудуть <sup>4)</sup> самого всего и съ женою и зъ дѣтми на потокъ и на разграбленіе.

6. Аже кто не вложится въ дикоую вину и виру, томоу людие не помогаютъ, но самъ платить.

*О вирахъ.*

7. Се бо законь вирные были при Великомъ Князи Ярославѣ: вирнику взяти 7 ведеръ солоду на недѣлю, да овенъ, или полоть, или двѣ погаты, а въ середу коуна, оже сыръ, а въ пятницу такоже; а коуровъ емоу по двое на день; а хлѣбовъ 7 на недѣлю, а пшена семь оуборковъ, а горохоу такоже, а соли 7 гольважень: то ти вирнику съ отрокомъ; а кони 4, а овесъ конемъ соутн на ротъ; вирнику 8 гривенъ, а 10 коунъ перекладная, а металнику 12 вѣкошь, а ссадная гривна.

*О вирахъ же.*

8. Оже боудеть вира въ 80 гривенъ, то вирнику 16 гривенъ и 10 конѣ <sup>5)</sup> и 12 вѣкошь, а переди съсадная гривна, а за голову 3. гривны.

<sup>1)</sup> Для полноты смысла здѣсь должно прибавить слѣдующіе слова, находящіеся во всѣхъ прочихъ спискахъ этой редакціи: такоже и сынове его уставша.

<sup>2)</sup> Должно быть: частію.

<sup>3)</sup> Вмѣсто: разбои, на основ. другихъ списковъ слѣдуетъ читать: на разбои.

<sup>4)</sup> Ошибк. вм. выдадутъ.

<sup>5)</sup> Должно быть: конѣ.



*О княжѣ отроцѣ.*

9. Аже о княжѣ отроцѣ, или въ конюсѣ, или о поварѣ, 40 гривенъ.  
10. А за тиоунѣ за огнищныи и за копошпи 80 гривенъ.  
11. А въ сельскомъ тиоунѣ княжѣ или въ ратойномъ 12 гривенъ, а за рядовичъ 5 гривенъ, такоже и за боярескъ.

*О ремесльвннцѣхъ.*

12. А за ремесльманика и за ремесльвеницу 12 гривенъ.

*О смердѣ и холопѣ.*

13. А за смердѣ и холопѣ 5 гривенъ, а за робоу 6 гривенъ.  
14. А за искормилча 12 гривенъ, такоже и за корми(ли)цоу, хотя си будетъ холопѣ или роба.

*О покленной вирѣ.*

15. Аще на кого будетъ покленная вира, то оже боудеть послоуховъ 7, то же выведеть вироу, то ти имоуть вѣроу; паки ли варягъ или инъ кто, то 2; а на костехъ и по мертвецѣ не платити виры, оже имени не вѣдають, ни знають его.

16. Аже свержетъ виру, то гривна куна сметная отроку; а кто исклепалъ, тому дати другая гривна, а отъ виры помочного 9 кунъ.

17. Искавъже ли послуха и не налѣзеть, а исца начпеть головоу клепати, томуу дати исправа желѣзо; такоже и въ всѣхъ тяжахъ, и въ татѣхъ, и въ поклепѣ, оже не боудеть ли исца, тогда дати емоу исправа желѣзо изъ неволи до полоугривнѣ злата; оже ли и мене, то на водоу, али до двою гривну; аще ли мене, то ротъ емоу ити по своей куны.

18. А соуднымъ кунамъ росту нѣтъ.

*О мечѣ.*

19. Оже кто оударить мечемъ, не вынесъ его, или роукоятию, то 12 гривенъ продажи за обиду.

20. Аже ли вынесъ мечъ, а не оударивъ, то гривна кунъ.

21. Оже кто оударить кого батогомъ, или чашею, или рогомъ, либо тылиницею, то 12 гривенъ; не терпя ли противоу тому тнеть мечемъ, то вины емоу въ томъ нѣтъ.

22. Аще ли оутнеть рукоу и отпадетъ рука или оусъхнеть, или нога, или око, или носъ оутнеть, то полоувѣрие, 20 гривенъ, а томуу за вѣкъ 10 гривенъ.

23. <sup>1)</sup> перстъ оутнеть мечемъ кьи либо боудеть, 3 гривны продажи, а самому гривна.

---

<sup>1)</sup> Здѣсь въ подлинникѣ пропуш. аще.

*О мужъ кровавъ.*

24. Иже приидеть кровавъ мужъ на дворъ или синь, то видока емоу не искати, но платити емоу продажи 3. гривны; аще ли не боудеть на немъ знаменіа, то привести емоу видокъ: слово противоу слова, а кто ли будеть началь, то тому платити 60 кунъ; аще же и кровавъ приидеть или боудеть самъ почаль, а выстоупять послуся, то то емоу за платежъ, оже и били.

*О мечъ.*

25. Аще оударить мечемъ, а не потнеть на смерть, то 3. гривны продажи, самому гривна за рапоу, оже лечебно есть; а потнеть на смерть, то вира.

26. Иже побьхнеть мужъ мужа, любо къ себѣ, любо отъ себя, или палицею или жердью оударить, а видока два выдуть, то 3. гривны продажи; аже боудеть, варягъ или колбятъ, то полная видока вывести и идеть на ротоу.

*О челядинъ.*

27. Оже челядинъ крыется, а закличють и съ торгу, а за 3. дни не выведуть его, а познають и въ 3. день, то свои челядинъ пояти, а оному платити 3. гривны продажи.

*Оже на чюжемъ конѣ ѣздитъ.*

28. Аще кто въседеть на чюжъ конь не прошавъ, то 3. гривны продажи.

*О изгубелъ.*

29. Аще кто конь погубить, или ороужіе, или портно, а заповѣдаетъ на торгоу, а послѣди познаеть въ своемъ градѣ, свое емоу лицемъ взяти, а за обиду емоу платити 3. гривны.

30. Оже кто познаеть своего, что будеть погубилъ, или оукрадено что оу него, или конь, или портъ или скотина, то не речи ему: се мое; но поиди на сводъ, гдѣ еси взялъ; сведоутся, кто боудеть виновать, на того татба снидеть; тогда онъ свое възметъ, или что боудеть погыбло съ нимъ, той же емоу начнеть платити.

*О татѣбъ.*

31. Аще боудеть коневыи тать, то выдати его князю на потокъ; паки ли боудеть клѣтныи тать, то 3. гривны платити емоу за то.

*О сводѣ.*

32. А оже боудеть въ одномъ градѣ, то ити ису до конца того свода; боудеть ли сводъ по землямъ, то ити ему до трехъ сводовъ, а что будеть лице, то то ему третьему платити коунами за лице, а съ лицемъ ити до конца своду, а ису ждати прока, а гдѣ снидеть на конечнаго, то тому все платити и продажи

*О татѣхъ.*

33. Паки ли что будетъ татебное купилъ въ торгу, или конь, или портъ, или скотину, то введетъ свободна моужа два или мытника; аже начпеть не знати оу кого боудеть коупилъ, то ити по немъ водокомъ<sup>1)</sup> на торгоу на роту, а исцоу свое лицемъ взяти, а что съ нимъ погыбло, а того емоу желѣти, а иному<sup>2)</sup> желѣти своихъ кунъ, запе не знаетъ его, оу кого будетъ купилъ, а познаетъ ли на долзѣ оу кого то купилъ, свои емоу куны взяти, и семоу платити, что боудеть оу него погыбло, а князю продажоу.

*О челядинномъ изводѣ.*

34. Аще кто нознаетъ челядинъ свои оукраденъ, а поиметь и; то ономоу вести по копамъ и до 3.-го свода; пояти же челядинъ въ челядина мѣсто, а оному дати лице, а тои идеть до конечнаго свода, а то есть не скоть, не лзѣ рещи: не вѣдаю, оу кого есмь коупилъ, но по языкоу ити до конца, а гдѣ боудеть конечнын татъ, то опять воротити челядинъ, а свои поиметь и проторъ тому же платити.

35. А князю продажи въ челядинѣ 12 гривенъ или оукраденъ или оуведенъ есть.

*О томъ же сводѣ.*

36. А исъ своего города въ чюже<sup>3)</sup> землю извода<sup>4)</sup> пѣтъ; но такоже вывести ему послухы любо мытника, предъ кимъ же коупивше: то исцу лицемъ взяти, а прока емоу желѣти, что съ нимъ погыбло, а ономоу своихъ коунъ желѣти, дондѣже палѣзеть.

*О татѣхъ.*

37. Оже оубиють кого оу клѣти или оу которые татѣбы, то оубиють и въ пса мѣсто; аже ли додержатъ до свѣта, то вести и на княжъ дворъ; аже ли оубиють и, а боудоуть люди видели связана<sup>5)</sup>; то платити въ томъ 12 гривенъ.

38. Оже кто оукрадетъ скоть въ хлѣвѣ или клѣтъ, то оже боудеть единъ, то платити ему 3. гривны и 30 куны, а боудеть ли ихъ много, то всѣмъ по три гривны да по 30. кунъ платити.

*О татѣхъ оуроци скотѣ<sup>6)</sup>.*

39. Аще кто оукрадетъ скоть на полѣ, или овци, или козы, или свиньи, то 60 коунъ; аще ли ихъ будетъ много, то всѣмъ по 60 кунъ.

<sup>1)</sup> Должно быть: водокомъ.

<sup>2)</sup> Въ друг. списк.: оному. —

<sup>3)</sup> чюжу. <sup>4)</sup> Въ друг. списк.: свода.

<sup>5)</sup> Въ подлинникѣ, ошибк., повторено здѣсь опять: а боудоуть люди видели.

<sup>6)</sup> скоту.



40. Оже крадутъ гоумно или жито въ ямѣ, то колко ихъ боудеть крало, то веѣмъ по три гривны и по 30. коунъ; а у него же погыбло, оже будеть лице, лицемъ поемлетъ, а за лѣто възметъ по полугривнѣ.

41. Паки лица не боудеть, а боудеть быль княжь конь, то платити за него 3. гривны, а за иныхъ по двѣ гривны.

42. А за кобылу 60. кунъ, а за волъ гривна, а за корову 40 коунъ, а за третияка 30. коунъ, а за лонщину полгривны, а за теля 5 кунъ, а за свиню 5 коунъ, а за порося ногата, а за овцоу 5 коунъ, а за боранъ ногата, а за жеребець, оже будеть не всѣдано нанъ, то гривна кунъ дати занъ, а за жеребя 6 ногать, а за коровие млеко 6 ногать: то ти оуроци смердомъ, оже платять княжю продажу.

*О холопѣхъ.*

43. Оже боудеть холопи тати, любо княжи, любо боярьскыи, любо чернѣцвы, ихъ же князь продажею не казнить, занеже соуть несвободни: то двоичи платити къ исцу за обиду.

*О запырѣннѣ кунъ.*

44. Аще кто възыщеть коунъ на друзѣ, а онъ ся оучне<sup>1)</sup> запырати, то оже нанъ послуши выведеть, то ти поидуть на ротоу, а онъ възметъ коуны свои; занеже не далъ ему есть за много лѣтъ, то платити ему за обиду 3. гривны.

*О купцу.*

45. Аже кто купецъ куплю<sup>2)</sup> дасть въ коуплю куны или въ гостѣбу, то купцу предъ послухы кунъ не имати: послуш ему не надобѣ; но ити ему на роту, оже ся оучнеть запырати.

*О поклажѣ.*

46. А оже кто поклажси кладеть оу кого любо, туто послоуха нѣтъ оу кого тотъ товаръ лежить; но оже начнеть болшимъ клепати, тому итти ротѣ оу кого лежало: како толко еси оу мене положишь, занеже ему благо дѣяль и храниль.

*О рѣзоимствѣ.*

47. Аще кто коуны дасть въ рѣзы, или наставы въ медъ, или жито въ присопъ, то послуши ему наставити<sup>3)</sup>: како ся съ нимъ боудеть рѣдилъ, такоже ему имать.

*О мѣсячномъ рѣзу.*

48. А мѣсячныи рѣзъ, оже за моло дни, поимати<sup>4)</sup> емоу, а заидоуть ли куны до того же годуу, то дадять емоу коуны въ третѣ, а мѣсячныи рѣзы погрѣпоуты; послуховъ ли не боудеть, а боудеть коунъ 3. гривны, то ити емоу про свои куны ротѣ; боудоуть ли коуны боле, то речи емоу тако: провиновался еси, оже еси послоуха не ставиль.

<sup>1)</sup> учнеть. — <sup>2)</sup> Ошибк. см. купцу. — <sup>3)</sup> или поставити. — <sup>4)</sup> въ друг. сп. то имати.

*О овцахъ.*

49. А отъ 20 овецъ и отъ двою приплода на 12 лѣтъ 90,000 овецъ и 100 овецъ и 12 овецъ, а борановъ 90,000 и 100 и 12 борановъ, а всего борановъ и овецъ на 12 лѣтъ 180,000 и 200 и 23. А овца метана по 6 ногать, а боранъ по 10 рѣзанъ. А за то за все коунами 40,000 гривенъ и 5000 гривенъ и 50 гривенъ и 5 гривенъ и 40 рѣзанъ. А на тѣхъ овцахъ и на боранѣхъ роунъ 300,000 и 60,000 и 400 и 40 и 6 роунъ; а на тѣхъ роунехъ коунами 7000 гривенъ и 200 гривенъ и 8 гривенъ и 40 рѣзанъ и 6 рѣзанъ: а роуно чтено по рѣзанѣ.

*О козахъ.*

50. А отъ 20 козъ и отъ двою приплода на 12 лѣтъ 90,000 козъ и 100 козъ и 12 козъ. А то кунами 20,000 и 7000 и 30 гривенъ и 3. гривны и 30 рѣзанъ. А коза метана по 6 ногать. А козловъ 90,000 и 100 и 11 козловъ. А то кунами 10,000 и 8000 гривенъ и 20 гривенъ и 10 рѣзанъ; а козелъ метанъ по 10 рѣзанъ.

*О свиньяхъ.*

51. А отъ трехъ свиней приплода на 12 лѣтъ 70,000 и 3000 и 700 и 20 и 8 свиней. А то коунами 30,000 и 6000 и 800 и 60 гривенъ и 4 гривны.

*О вепрьхъ.*

52. А вепревъ 40,000 и 9000 и 100 и 40 вепревъ: то коунами 10,000 и 4000, 700 и 40 гривенъ и 3. гривны и 40 рѣзанъ; а вепрь метанъ по 6 ногать.

*О назимыхъ свиньяхъ.*

53. А назимыхъ 3. свиньи, а отъ тѣхъ приплода на 10 лѣтъ 60,000 и 100 и 40 и 4 свиньи. А то коунами 30,000 и 70 и 2 гривны. А свинья метана по полугривнѣ; 3. вепри старые 40 и 5 рѣзанъ.

*О кобылахъ.*

54. А отъ двою кобылъ на 12 лѣтъ приплода 30 и 2 кобылы, а третиячинъ 20 кобылъ, а лонщинъ 20 жерепцевъ, а однолѣтныхъ 10 кобылъ, а 10 жерепцевъ. А то кунами 100 и 30 гривенъ и 2 гривны. А кобыла метана по 3. гривны, а третиячина по гривнѣ, а лонщина по 30. рѣзанъ, а однолѣтное по 6 ногать метано. А тѣхъ всѣхъ лошадей числомъ 90 и двое.

*О лоньскыхъ кобылицахъ.*

55. А отъ лоньской кобылицы приплода на 9 лѣтъ 4 кобыды и съ матерью, а третиячинъ 3. кобылицы, а лоньскыхъ 2 кобылицы, а отъ тѣхъ кобылъ 10 же-

ребцевъ, а старыи единъ жеребецъ. А то коунами 20 гривенъ и 2 гривныи. А тѣхъ лошадей 20 числомъ.

*О лоньской телицѣ.*

56. А отъ лоньской телицы на 9 лѣтъ приплода 4 коровы и съ матерью, а третиячинъ телицъ 3, а лоньскихъ 2 телицы; а отъ старыхъ коровъ 3. быкы старыи, а лоньскихъ два быка, а однолѣтнихъ 5 быковъ. А то кунами 7 гривенъ: а корова метана по двѣ гривнѣ, а третиячина по гривнѣ, а лоньщина по полу-гривнѣ; а того скота 20 безъ одного. А отъ того скота сыровъ 300 и 60 сыровъ, а масла 30 горноцевъ; а то кунами 14 гривенъ и 20 рѣзанъ: а сыръ метанъ по рѣзанъ, а горнецъ масла по 10 рѣзанъ.

*О пчелахъ.*

57. А отъ двоихъ пчель на 12 лѣтъ приплода роевъ и старыми <sup>1)</sup> пчелами 200 и 50 и 6 роеевъ. А то коунами 100 гривенъ и 20 гривенъ и 4 гривны: а то ччено по полоугривнѣ рои съ медомъ; а приплода на лѣто по единому рою.

*О ржи.*

58. А въ селѣ сѣянои ржи на два плуга 16 кадей ржи ростовскихъ <sup>2)</sup>, а того на одно лѣто прибытка на два плуга 100 копенъ ржи, а на всю 12 лѣтъ 1000 копенъ и 200 копенъ ржи.

*О немолоченои ржи.*

59. А ржи немолоченые 40 копенъ, а на тоу рожъ прибытка на одно лѣто 20 копенъ, а на всю 12 лѣтъ въ тои ржи прибытка 4000 копенъ и 600 и 60 копенъ ржи.

*О полбѣ немолоченои.*

60. А полбы немолоченои 15 копенъ, а на то прибытка на одно лѣто 7 копенъ, а на всю 12 лѣтъ въ тои полбѣ прибытка 1000 копенъ, 700 и 50 копенъ.

*О молоченомъ овсѣ.*

61. А овса молоченого 20 половникъ и единъ; а на то прибытка на одно лѣто 11 половникъ овса, а на всю 12 лѣтъ въ томъ овсѣ прибытка 2000 и 800 и 60 и 3. половники овса.

*О ячмени молоченомъ.*

62. Ячмени молоченого 6 половникъ; а на то прибытка на едино лѣто 3. половники, а на всю 12 лѣтъ въ томъ ячмени прибытка 700 и 11 половникъ.

*О немолоченомъ житѣ.*

63. А немолоченое жито метано на 2 копны 3-я, молоченое жито метано на 2 половышка 3-й <sup>3)</sup>; а на всю 12 лѣтъ: а немолоченаго жита на 12 лѣтъ ржи

<sup>1)</sup> Чит.: и съ старыми. — <sup>2)</sup> см. ростовскихъ въ друг. сп.: ростовъ.

<sup>3)</sup> Т.-е. на годъ, какъ прибавл. въ друг. спискахъ.

половниковъ 7000 копенъ и 600 копенъ и 8 копенъ; а молоченого жита и овса и ячмени полчетверты тысячи половникъ и 70 половникъ и 4 половники. А всего того коунами 170,000 гривенъ и 9000 гривенъ и 300 гривенъ и 90 гривенъ и 4 гривенъ и 30. рѣзанъ и рѣзана, опроче жита.

*О сѣнѣ.*

64. А того же села пять стожен сѣна, а то на всю 12 лѣтъ 60 стогъ сѣна: а стогъ по гривнѣ, а то 60 гривенъ кунами.

*О сиротѣмъ вырѣдкѣ.*

65. А жонка съ дочерью, тѣмъ страды на 12 лѣтъ, по гривнѣ на лѣто, 20 гривенъ и 4 гривны кунами.

*А се оуставилъ Великий Князь Владимиръ Всеволодичъ Манамасъ.*

66. По Святополцѣ съзва дружиноу свою на Берестовѣмъ: Ратибора, тысячскаго Клевскаго, и Прокопия, тысячскаго Бѣлогородскаго, Станислава, тысячскаго Переяславскаго, Нажира, Мирослава, Иванка Чюдоновича <sup>1)</sup>, Олгова моужа, и оуставили и до третнаго рѣзоу, аже емлетъ коуны въ рѣзъ въ треть; аже кто възметъ два рѣзу, то то емоу взяти истое; паки ли възметъ третн рѣзъ, то истого емоу не звяти <sup>2)</sup>.

*О рѣзѣ же.*

67. Аже кто емлетъ по 10 купъ отъ лѣта на гривноу, то того не отметати.

68. Ожо кто который купецъ, шедъ гдѣ любо съ чюжными коунами, истопится, или рать възметъ, или огнь, то не насилити ему, ни продати его; по како начнетъ отъ лѣта платити ему, такоже платитъ, занеже пагоуба отъ Бога есть, а не виновать есть; оже ли проишется или пробѣется, а въ безумни чюжь товаръ потра- вить, то како любо тѣмъ, чьи то коуны, ждоутъ ли ему, продадоутъ ли его — своя имъ воля.

*О долзѣ.*

69. Аще кто многымъ долженъ будетъ, а пришедъ гость изъ иного города или чюжоземецъ, а не вѣдая запустить занъ товаръ, а опять начнетъ не дати гостю купъ, а первии должнннцн заппнати емоу начноутъ, не дадучи коупъ, то вести я на торгъ и продати и отдати же первое гостевн коуны, а домашнымъ, что ся останетъ коупъ, тѣмъ ся подѣлять; паки ли боудуть княжи куны, то княжи коуны переже взяти, а прокъ въ дѣлѣ <sup>3)</sup>; оже кто много рѣза ималъ, то томоу не имати.

<sup>1)</sup> Чюдиновича.

<sup>2)</sup> Ошибк. см. взяти.

<sup>3)</sup> Въ дѣлѣжъ или въ дѣлѣ, какъ читается въ друг. сп.



*О закоупнѣ.*

70. Оже закоупныи <sup>1)</sup> бѣжить отъ господина, то обелѣ; и деть ли искати кунѣ, а явленно ходитъ къ князю или къ судиямъ бѣжить обиды дѣля своего господина, то про то не робятъ его, но дати емоу правда.

71. А иже оу господина ролейны закоупъ боудеть, а погубитъ своискы конѣ, то не платитъ емоу; но еже далъ емоу господинъ плoughъ и борону, отъ него же копоу емлетъ, то то емоу погоубившу платити; аще ли господинъ его отошлетъ на свое орудіе, а погибнетъ безъ него, того емоу не платити своему господину.

72. Оже изъ хлѣва, изъ забоя, выведуть, то закоупоу того не платити; но еже погубитъ на поли или въ дворъ не вженеть и не затворитъ, гдѣ емоу господинъ его велѣлъ, или орудия своя дѣля погоубитъ, то емоу платити.

73. Оже господинъ приобидитъ закоупа, оувѣдетъ вражоу и оувередитъ цѣноу, а введетъ вкоупоу <sup>2)</sup> его или отарицоу, то то емоу все воротити, а за обиду емоу платити 60 коунѣ; аще ли приметъ на немъ кунѣ, то опять емоу воротити кунѣ, что боудеть приялъ, а за обиду емоу платити три гривны продажи; продасть ли господинъ закоупа обелѣ, то и наmitу слобода <sup>3)</sup> въ всѣхъ коунахъ, а господину платити за обиду 12 гривенъ продажи; аще ли господинъ бьетъ закоупа про дѣло, то безъ вины есть; бьетъ ли не смысла, пиянъ, безъ вины <sup>4)</sup>; то якоже свободномуу платити, тако и въ закоупѣ.

*О холопѣ.*

74. Оже холопъ обилныи <sup>5)</sup> выведетъ конѣ чийи любо, то платити занѣ 2 гривныи.

75. Оже закоупѣ <sup>6)</sup> оуведетъ что, то господинъ въ немъ; но оже и гдѣ налѣзутъ, то передъ заплатитъ господинъ его конѣ или ино что боудеть възялъ, а емоу холопъ обелныи; пакы ли господинъ его начнетъ не хотѣти платити занѣ, а продасть и и отдасть же преже за конѣ, или за волѣ, или за товаръ, что боудеть възялъ, а паробокъ <sup>7)</sup> емоу взяти самому себѣ.

76. Аже холопъ оударитъ свободна моужа, а оубѣжитъ въ хоромы, а господинъ его не выдасть, то платити занѣ господину 12 гривенъ; а за тѣмъ аще гдѣ налезетъ оудареныи тои своего исца, который его оударитъ <sup>8)</sup>, и Великий Князь то Ярославъ Володимеричъ былъ оуставилъ оубити, но то сынове его по немъ оуставиша на коуны, или взяти <sup>9)</sup>, или бити развязавъше, или взяти гривна коунѣ за соромъ.

*О послушествѣ.*

77. А послоушество на холопа не въскладають; но оже не будеть свободнаго, то по ноужи сложити на боярьска тиоуна на дворьскаго, а на иныхъ не въскладати. А въ малѣ тяжѣ, по ноужѣ, сложити на закупа.

<sup>1)</sup> Здѣсь подразумѣвается или пропущено: человекъ.

<sup>2)</sup> Въ друг. спискахъ: купу, копу, копну. — <sup>3)</sup> наймиту свобода.

<sup>4)</sup> Безъ вины. — <sup>5)</sup> обелныи. — <sup>6)</sup> закупенъ. — <sup>7)</sup> въ друг. списк.: прокъ.

<sup>8)</sup> Должно быть: ударилъ.

<sup>9)</sup> должно быть: вязати.

*О борода.*

78. А хто порветь бородоу, а выметь знаменіе, а будоуть людие, то 12 гривенъ продажи; а иже безъ людей, то въ поклебѣ иѣтъ <sup>1)</sup> продажи.

*О зѡубѣ.*

79. Оже выбѣють зубъ, а кровь оувидять оу него въ ртѣ, а люди влѣзоуть то 12 гривенъ продажи; за зубъ взятъ ему гривна.

80. Оже боудоуть <sup>2)</sup> рассѣчена земля или на земли знаменіе, имъ же ловлено, или сѣтъ, то по верви искати къ себѣ татя, а любо продажа платити.

*О борть.*

81. Аще кто украдетъ борть, то 12 гривенъ продажи.

*Оже борть разломить.*

82. А еже борть разнаменуеть, то 12 гривенъ продажи.

83. Оже межоу перетнеть бортную, или ролеиную межоу разореть, или дворною межу тыномъ перетынить, то 12 гривенъ продажи.

*О дубѣ.*

84. Оже дубъ перетнеть знаменныи, или межъны перетнеть, 12 гривенъ продажи.

*О накладѣхъ.*

85. А се накладъ 12 гривенъ: отроку 2 гривны и 20 кунъ, а самому ѣхати съ отрокомъ на дву конехъ, а овесь соути на ротъ, а мяса дати овенъ или полоть, а инѣмъ корму, что имъ чрево возметъ, а писцу 10 кунъ, перекладнаго 5 кунъ, а за мѣхъ 2 ногаты.

*О борти.*

86. Оже борть подломить, 3. гривны продажи, а за дерево 3. гривны <sup>4)</sup>.

87. Оже пчелы выдереть, 3. гривны продажи, а за медь, оже будоуть пчелы не лажены, то 10. коунъ; боудеть ли олекъ, то 5 коунъ.

88. Не боудеть ли татя, то по слѣдоу жепоуть; оже боудеть слѣдъ къ селу или къ товару, а не отсочать отъ себя слѣду и ни идоуть на слѣдъ, или отбьются, то тѣмъ платити и татѣба и продажа, а слѣдъ гонить съ чужими людьми и съ послухы; а еже погубять слѣдъ на гостинници на велицѣ, а села не будеть, или на поустѣ, гдѣ же не будеть ни села, ни люди, то не платити ни продажи, ни татѣбы.

*О смердѣхъ.*

89. Оже мучить смердъ смерда безъ княжа слова, то 3. гривны продажи, а за моуку гривна кунъ.

<sup>1)</sup> Въ друг. списк.: а въ поклепѣ, то нѣтъ. — <sup>2)</sup> вылѣзуть. — <sup>3)</sup> будеть.

<sup>4)</sup> ел.: 3. гривны въ друг. сп.: полгривны.

*О огнищанинѣ.*

90. Аще огнищанина моучить, то 12 гривенъ продажи, а за моужу гривна коунъ.

91. Аще лодью оукрадеть, то 60 коунъ продажи, а лодию лицемъ воротити, а не боудеть лицемъ, то за зоморьскоую лодью 3. гривны, а на забойноую <sup>1)</sup> 2. гривны, а за стругъ гривна, а за челнъ 8 коунъ.

*О перевѣсахъ.*

92. Аще кто посѣчетъ верю, или вервь перетнетъ въ перевѣсѣ, то 3. гривны продажи, а господину за верю и за вервь гривна кунъ.

*О перевѣсахъ и о птицахъ.*

93. Аще кто оукрадеть въ чеемъ перевѣсѣ чии песь, или ястребъ, или соколъ, то 3. гривны продажи, а господину гривну.

94. А за голубь 9 кунъ, а за куря 9 коунъ, а за оутя 30 кунъ.

95. <sup>2)</sup> А за жаравъ 30 кунъ.

96. А въ сѣнѣ и въ дровѣхъ 9 кунъ, а господину колко боудеть возъ оукрадено, то имати емоу за возъ по двѣ ногатѣ.

*О гоумнѣ.*

97. Аще кто зажжеть гоумно, то на потокъ и на грабежъ домъ его, прежде нагоубу расплативши, а въ процѣ князю поточити; такоже оже кто дворъ зажжеть.

98. А кто пакошами конь зарѣжеть или скотину, то продажи 12 гривенъ, а за нагоубоу господиноу гривна оурокуъ платити.

99. А тѣ тяжи вси соудять съ послухы съ свободными; будеть ли послухъ холопъ, то на правду холопоу не вылазити; но оже хощеть истецъ или иметь нарекати тако: по сего рѣчи азъ емлю тя, а не холопъ, и емлетъ на желѣзо; оже обвинитъ и, тои емлетъ на немъ свое; не обвинитъ ли его, а платити ему за моужу гривна, за не полхолопъ <sup>3)</sup> рѣчи ялъ и.

100. А желѣзного платити 40 кунъ, а мечникоу 5 кунъ, а полъгривны дѣтскому: то ти желѣзные оуроки, кто си въ чемъ емлетъ, а еже емлетъ на желѣзо по свободныхъ людей рѣчи, либо ли запа нанъ будеть, ли заппа не будеть, или прихоженіе ноцное, или кимъ любо образомъ оже не ожется, про то мукы не платити ему, ни <sup>4)</sup> одно желѣзное, кто и будеть ялъ.

*О женѣ.*

101. Оже кто оубиеть жену, по <sup>5)</sup> тѣмъ же судомъ судити, якоже и моужа: оже боудеть виновата, то полвиры, 20 гривенъ.

<sup>1)</sup> Ошибк. на забойную *вм.* за набойную.

<sup>2)</sup> Пропущено: А за лебедь 30 кунъ, а за гусь 30. кунъ.

<sup>3)</sup> Ошибк. *вм.*: по холопъ. — <sup>4)</sup> Должно быть: по.

<sup>5)</sup> В *друг. спискахъ*: то.

102. А въ холопѣ и въ робѣ виры пѣту; но оже боудеть безъ вины оубиенъ, то за холопѣ и за робу платити оуроукъ, а князю продажи 12 гривень.

*О смердѣи задници.*

103. Ожо смердъ оумреть безъ дѣти, то задница князю; оже боудоуть оу него дѣщери дома, то даяти часть на ня; аже ли боудуть за мужьми, то не дати <sup>1)</sup> части.

*О боярѣстѣи задници и о людстѣхъ.*

104. А иже въ боярехъ или же въ боярѣстѣи дружинѣ, то за князя задница не идетъ; но оже не боудеть сыновъ, а въ дщери възмоуть.

105. Аще кто оумираа раздѣлитъ домъ дѣтемъ своимъ, на томъ же стояти; пакы ли безъ ряду оумреть, то всѣмъ дѣтемъ, а на самого часть дати по души.

*О женѣхъ.*

106. Аще жена сядеть по мужи, то дати ей часть, а оу своихъ дѣтенъ взяти часть, а что на ню мужъ възложилъ, тому же есть госпожа, а задница ея <sup>2)</sup> мужья не надобѣ; боудоуть ли дѣти, то что первой жены, то то възмоуть дѣти матери своей, любо си на женоу боудеть възложилъ, обаче матери своей възмоуть.

107. Аже будеть сестра въ домоу, то тои задници не имати, но отдадять ю братіа за мужъ, како си могутъ.

*А се оуроци городнии.*

108. Городникоу закладъюче городню, куна взяти, а кончавше ногата, а за кормъ и за вологоу и за рыбу 7 коунъ на недѣлю и 7-ро хлѣбовъ, 7 оуборковъ пшена, 7 лоуконъ <sup>3)</sup> на 4 кони, а имати емоу донелѣже городъ ерубать, а солодоу единою емоу дадять 10 луконъ.

*А се оуроци мостовные.*

109. Мостнику, помостившоу мость, взяти емоу отъ дѣла отъ 10 лакоть по ногатѣ; аже починитъ моста ветхаго, то колко городень починитъ, то взяти ему по купѣ отъ городни, а мостнику самому другу ѣхати на дву конехъ съ отрокомъ, а овса 4 лоукна.

*О задницѣхъ.*

110. Аще боудоуть робы дѣти оу мужа, то задници имъ не имати; но свобода имъ <sup>4)</sup> матерью.

111. А оже боудеть оу мужа въ домоу дѣти малы, а не движася <sup>5)</sup> сами собою печаловати, а мати имъ поидеть за мужъ, токмо <sup>6)</sup> имъ ближнии боудеть,

<sup>1)</sup> Въ друг. списк. прибавл.: имъ ничтоже.

<sup>2)</sup> Въ друг. сп. правильнѣе: ей.

<sup>3)</sup> Пропущено: овса.— <sup>4)</sup> Пропущено: съ.

<sup>5)</sup> Въ друг. списк. а не дежи ся, а не дюжи ся.

<sup>6)</sup> Въ друг. списк.; кажется, правильнѣе: то кто.



томууже дати на роуцѣ и съ добыткомъ и зъ домомъ, донелѣже възмогутъ, а товаръ дати предъ людьми, а что сръзнить товаромъ тѣмъ или пригостить, то то ему себѣ, а исытъи товаръ воротити имъ, а прикупъ емоу себѣ, зане онъ пре-кормилъ и печаловался имъ; оже отъ челяди плодъ или отъ скота, то все поимать лицомъ, что поималъ будетъ; что ли боудеть растерялъ, то все емоу платити дѣтемъ<sup>1)</sup>.

112. Аще же и отчимъ приметъ съ задницею дѣтей, и то такоже есть рядъ, якоже рядилъ; а дворъ безъ дѣлу отенъ всякои меншему сынови.

#### *О женѣ.*

113. Аще жена оборчется сидѣти по мужѣ, а ростяряетъ добытокъ, а поидеть за моужъ, то платити емоу<sup>2)</sup> все дѣтемъ; не хотѣти ли ей<sup>3)</sup> начынуть дѣти ни на дворѣ, а она начнетъ всяко сидѣти восхоцеть зъ дѣтми, то сѣтворити всякоу волю ея, а дѣтемъ не дати воли; но что ея далъ моужъ, съ тѣмъ же ей и сидѣти съ дѣтми, или свою часть вземше сидитъ же.

114. А матерня часть дѣтемъ не надобѣ, по кому мати възхоцеть, тому дасть; дасть ли всѣмъ, и всѣмъ<sup>4)</sup> раздѣлять; безъ языка ли оумреть, то оу кого ли боудеть на дворѣ была и мѣртва и кто ю кормилъ, тому взяти.

115. Оже боудеть двою моужии дѣти, а одной матери, но<sup>5)</sup> онѣмъ своего отца задница, а онѣмъ своего отца; боудеть ли что потерялъ своего иночима, а онѣхъ отца, а оумреть, то възварити<sup>6)</sup> брату, нанъ иже людие выльзоутъ, что боудеть ростерялъ отецъ его иночимля, а что емоу своего отца, то дръжить.

116. А матери, которыи ей сынъ боудеть<sup>7)</sup>, перваго ли моужа или другаго ли, тому же дасть все; аще ли и всѣ сынове ея боудоутъ лиси, а дщери можетъ дати, кто ю кормить.

#### *О задницѣ.*

117. Аще братна растяжоутся предъ княземъ о задници, то которыи дѣтскими идеть ихъ дѣлти, тому взяти гривна кунъ.

#### *О судебныхныхъ оуроцѣхъ.*

118. А се оуроци судебнии: отъ виры 9 коунъ; а металнику 9 вѣкошь; а отъ бортнои земли 30 кунъ, а металнику 12 вѣкошь, а отъ роелной<sup>8)</sup> земли такожь; а отъ свободивше челядина 9 кунъ, а металнику 9 вѣкошь; а отъ ипыхъ отъ всѣхъ тяжъ кому помогутъ, по 4 коуны, а металнику по 6 вѣкошь<sup>9)</sup>.

<sup>1)</sup> Въ друг. сп. прибавл.: тѣмъ.

<sup>2)</sup> Въ друг. сп.: ей. — <sup>3)</sup> Въ друг. сп.: ея, ея.

<sup>4)</sup> всѣ. — <sup>5)</sup> должно быть: то. — <sup>6)</sup> ошибк. вл. взворотити, какъ въ друг. сп.

<sup>7)</sup> проп. добръ. — <sup>8)</sup> въ друг. сп.: роленной.

<sup>9)</sup> Засылъ въ другияхъ спискахъ находится слѣдующ. статья, которой въ сп. Карамзинскомъ вовсе не достаетъ:

А се оуроци ротнии: отъ головы 30 коунъ, а отъ бортныи земли 30. кунъ безъ трю кунъ такоже и отъ роленныи земли, а отъ свободы 9 коунъ.

О холопствѣ.

119. А холобство обелное трое: еже кто то купить хотя и до полу-гривны, а послухы поставить, а ногату дать предъ самѣмъ холопомъ, а не безъ него.

120. А другое холопство: поиметь робу, а безъ рядоу; поиметь ли съ рядомъ, како ся боудеть рядилъ, на томъ же и стоять.

121. А се третіе холопство: тиоуньство безъ ряда или ключъ къ себѣ привязеть; съ рядомъ ли, то како ся боудеть рядилъ, на томъ же и стоять.

122. Вдачь не холопъ, а инни <sup>1)</sup> по хлѣбѣ робять, ни по придатцѣ; но ожо не ходять годъ, то ворочати емоу милость, отходить ли, то не виновать есть.

123. Ожо холопъ бѣжитъ, а заповѣсть и господинъ, аже слышавъ кто или зная или вѣдая, ожо есть холопъ, и дать емоу хлѣба или путь емоу показать, то платити за холопъ 5. гривень, а за робу 6. гривень.

124. Аще кто переиметь холопа чюжого или робу и дасеть вѣсть господину его, то взяти ему переима гривна кунъ; не будетъ ли <sup>2)</sup> его, то платити ему 4 гривнын за холопъ, а пятая переемная емоу, а боудеть роба, 5 гривень, а 6 <sup>3)</sup> на переемъ отходить.

125. А кто самъ своего холопа досочится въ чеемъ любо городѣ или въ хоромѣ, а будетъ намѣстникъ не вѣдалъ его, то поведавше емоу пояти же оу него отрокъ и шедше оувязати и и дати ему вязебную 10 кунъ; аще оупоуститъ и гоня, а себѣ емоу пагоуба, а не платитъ въ то шиктоже, тѣмъ же ии ереима нѣтъ.

126. Оже кто не вѣдая чюжь холопъ оусрящеть или повести дѣть или держитъ и оу себя, а оттыдетъ отъ него, то ити ротѣ, яко не вѣдалъ есмь, ожо есть холопъ, а платежа въ томъ нѣту.

127. Оже гдѣ холопъ вылжетъ коня <sup>4)</sup>, а онъ боудеть не вѣдая вдаль, то господину выкупати и, или лишится его, вѣдая ли боудеть далъ, то кунъ лишену емоу быти.

128. Оже кто поуеститъ холопа въ торгъ, а должнасть <sup>5)</sup>, то выкупати его господину, а лишатися его не лѣтъ.

129. Оже кто коупитъ чюжь холопъ, а не вѣдая, то первому господину холопъ пояти, а оному коуны имати, ротѣ ходивше, яко не вѣдая есмь купилъ; вѣдая ли боудеть купилъ, то кунъ емоу лишеноу быти.

130. Оже холопъ бѣгая добоудеть товару, то господину холопъ и долги, господину же и товаръ.

131. Аще кто бѣжа, а поемля <sup>6)</sup> соуздне или товаръ, то господину платити занъ оурокъ, что будетъ взялъ.

<sup>1)</sup> *в.м.* а инни *вз др. сп.* и ни.

<sup>2)</sup> *в.м.* не будетъ ли, *вз др. сп.*: не убудетъ ли. — <sup>3)</sup> шестая.

<sup>4)</sup> *Вз друг. списек.*, кажется, *правильнѣе*: куны. — <sup>5)</sup> а одолажаетъ.

<sup>6)</sup> *Вз друг. сп.*: поемлетъ что.

132. Оже холопъ крадеть кого любо, господину выкупати и любо выдати съ кѣмъ боудеть краль, а женѣ и дѣтемъ не надобѣ; а оже боудеть съ нимъ крали или хоронили, то всѣхъ выдати; паки ли выкупають господинъ; аже будуть съ нимъ свободнии крали или хоронили, то ти князю въ продажѣ.

*О челоуѣцѣ.*

133. Оже челоуѣкъ полгавъ куны оу людей, а побѣжитъ въ чужоу землю, вѣры емоу не яти, какъ и татю.

*О городскихъ мостехъ осменникы<sup>1)</sup> поплата.*

134. А въ Людинъ конецъ чрезъ гроблю отъ Добрыни оулицѣ въ городняя врата до Бискупли оулицы,<sup>2)</sup> до Бориса и Глѣба, а Тиможеномъ до Коломлянъ, а Коломлянѣмъ до Неретьского мосту, а Нерядичапомъ до Веряжанъ, а Веряжанѣмъ до Пидблянъ, а Пидблянѣмъ до Чюдинцевой оулицѣ, а Чюдинцевѣи оулицѣ съ Загорожаны до городныхъ воротъ, а Владыцѣ сквозъ городная врата съ изгой, а съ другими<sup>3)</sup> до Острое оулицы. 1) Довыджа ста, 2) Слепчава ста, 3) Бовыкова ста, 4) Олексѣна ста, 5) Ратиборева ста, 6) Кондратова ста, 7) Романова ста, 8) Сидорова ста, 9) Гаврилова ста, 10) Княжи ста, 11) Княжа, 12) Ржевская, 13) Бѣжитская, 14) Володская, 15) Обоняжская, 16) Лоуская, 17) Лобская, 18) Волховская, 19) Яжелбичская, двои рили до торгоу, Софіяномъ до тысяцскаго тысяцскому до воцникъ, отъ воцникъ посадникоу до великого ряду, отъ великого ряду князя<sup>4)</sup> до Неметьго вымога<sup>5)</sup>, Немцемъ до Ивана вымола, Гтомъ до Гелардова вымола до задняго, отъ Гелардова вымола огнищаномъ до Боудитина вымола, Ильищаномъ<sup>6)</sup> до Матеева вымола, а Михапловцемъ до Бардины оулицы, а Видковичамъ до Клемятинныхъ сѣней.

*О муцѣ.*

135. Оже оутяжутъ въ моукѣ, а посидитъ оу дворянина, 8 ногать за тоу моукоу, а оу колоколници быють кноутомъ, а за тоу моуку 80 гривень.

*По сѣмѣсто Соудебникъ Ярославль.*

<sup>1)</sup> Въ друг. сп.: о сменникѣ.

<sup>2)</sup> пропушено: а отъ Бискупли оулицы съ Прусы.

<sup>3)</sup> Въ некоторыхъ списк. прибавл.: изгой.

<sup>4)</sup> Въ друг. сп. князю.

<sup>5)</sup> Вм. Неметьго вымога въ др. сп. правильнѣе: Нѣмецкаго вымола.

<sup>6)</sup> Въ друг. сп. Ильинцемъ.

IV.

СПИСОКЪ СИНОДАЛЬНЫЙ.

*Соудъ Ярославъ Володимирица.*

Правда Роуськая.

Ажь оубьеть моужь моужа, то мьстити братоу брата, любо отцю, любо сыну, любо браточадоу, любо братню сынови; ожели не боудеть кто его мьстя, то положить за голову 80 гривень, аче боудеть княжь моужь, или тивуна князя; ачели боудеть роусинь любо гридь, любо коуонецъ, любо тивунъ боярескъ, любо мечникъ, любо изгой, любо словенинь, то 40 грвнъ положити зань.

(П)о Ярославѣ же паки съвъкоупившесе снове его Изяславъ, Святославъ, Всеволодъ и моужи ихъ: Къснячъко, Перенѣгъ, Никифоръ, и отложиша оубиение за голову, нъ коунами ся вывоупати;<sup>1)</sup> а ино все якоже Ярославъ соудитъ, такоже и снове его оуставиша.

*О убииствѣ.*

Аже кто оубиеть князя моужа въ разбой, а головника не ищють, то вирьвноую платити въ чьей же вьрви голова лежитъ, то 80 грнъ; паки людинъ, то сорокъ гривень.

(К)оторая ли вьрвь начнетъ платити дикоую вироу, колико лѣтъ заплатятъ тоу вироу, занеже безъ головника имъ платити; боудеть ли головникъ ихъ въ вьрви, то зане к нимъ прикладываетъ, тогоже дѣля имъ помогати головникоу, любо си дикоую вироу, но сплатити имъ въ обѣ 40 грнъ, а головничество, а то самому головникоу; а въ 40 грнъ емоу заплатити из дружины свою часть, нъ оже боудеть оубилъ или въ свадѣ, или въ ширу явлено, тѣ тако емоу платити по вьрвинѣ, иже ся прикладываетъ вирою.

*Оже станеть безъ вины на разбой.*

Боудеть ли сталъ на разбой безъ всякоя свады, то за разбоиника людье не платятъ, нъ выдаютъ и всего съ женою и съ дѣтьми на потокъ и на разграбление. Аже кто не вложиться въ дикоую вироу, тому людье не помогаютъ, нъ самъ платитъ.

<sup>1)</sup> Ошибка, вмѣсто: выкупати.



*А се покони вирьнии.*

А се покони вирьнии были при Ярославѣ: вирьникоу взяти 7 вѣдеръ солодоу на недѣлю, оже овьнѣ, любо полотъ, или 2 ногатѣ, а въ сред(у) коуна, оже сырѣ, а въ пятничю такоже, а коурѣ по двое на днѣ, а хлѣбовѣ 7 на недѣлю, а пшена 7 оубороковѣ, а гороху 7 оубороковѣ, а соли 7 голважень, то то вирникоу съ отрокомѣ; а кони 4, конемѣ на ротѣ соутѣ овьсѣ; вирникоу 8 грнѣ, а 10 коунѣ перекладная, а метельникоу 12 векши, а съсадная грвна.

*О вирахъ.*

Аже боудеть вира въ 80 грвнѣ, то вирникоу 16 грвнѣ, и 10 кунѣ и 12 вѣкъше; а переди съсадная грив(на); а за голову 3 грвнѣ.

*О княжи отроцѣ.*

Аже въ княжи отроцѣ, или въ конюсѣ, или въ поварѣ, то 40 грвнѣ, а за тиоунѣ за огнищныи и за конюшныи, то 80 грвнѣ; а въ сельскомѣ тиоунѣ въ княжи или въ ратаниѣмѣ, то 12 грвнѣ, а за рядовича 5 гривнѣ, такоже и за бояреекѣ.

*О ремьственицѣ.*

(А) за ремьственика и за ремьственицу, то 12 грвне, а за смердии холопѣ 5 грвнѣ, а за рѣбоу 6 грвнѣ, а за кормилица 12 гривнѣ и за кормилицю, хотя си боуди холопѣ, или роба.

*Оже съвержеть виру.*

А же съвержеть виру, тѣ грвна коунѣ съметная отрокоу, а кто ѣ кльпалъ, а томоу дати другоую грвноу; а отъ виры помоченаго <sup>1)</sup> 9 коунѣ. Искавше ли послуха и не палѣзуть, а истьца начьнеть головою клепати, то тѣ <sup>2)</sup> имъ правьдоу желѣзо; такоже и въ вѣхѣхъ тяжахъ и въ татѣбѣ и въ поклепѣ, оже не боудеть лица, тѣ тогда дати емоу желѣзо из нѣволѣ до полугрвны золота; аже ли мьнѣ, то на воду, оли до двою грвноу; аже мьнѣ, то ротѣ ити емоу по своѣ коуны.

*Оже кто оударить мечемъ.*

Аже кто оударить мечемъ, не вынезъ его, или роукоятю, то 12 грвне продаже за обиду; ожели вынезъ мьчѣ, а не оутнеть, то грвноу коунѣ. Аже кто кого оударить батогомъ, любо чашею, любо рогомъ, любо тылѣснѣю, то 12 грвнѣ; не терпя ли противоу томоу оударить мечемъ, то вины емоу въ томѣ нѣтоутъ. Аще ли оутнеть роукою, и отпадетъ роука, или оусъхнеть, или пога, или око,

<sup>1)</sup> Вм. „помочнаго“.

<sup>2)</sup> Ошибка вм.: „дати“.

или не <sup>1)</sup> оутнеть, то полъвиры 20 гр<sup>вн</sup>; а тому за вѣкъ 10 гр<sup>вн</sup>. Аже пьрьсть оутнеть кыи любо, то 3 гр<sup>вн</sup>ы продаже, а самому гривна коунъ.

*Оже придетъ кровавъ моужь.*

Оже придетъ кровавъ моуже на дворъ, или синь, то видока ему не искати, нъ платити емоу продажу 3 грив(ны); или не боудеть на немъ знаменія, то привести емоу видокъ, слово противоу слова; а кто боудеть началъ; тому платити 60 коунъ; аче же и кровавъ придетъ, или боудеть самъ почалъ, а выстуупать послоуси, то то емоу за платежъ, оже и били.—Аже оударить мечемъ, а не оутнеть на смерть, то 3 гр<sup>вн</sup>ы, а самому гр<sup>вна</sup> за ранюу, оже лѣчебное; потнеть ли на смерть, то вира.—Или пьхнеть моужь моужа любо к собѣ, любо отъ себе, любо по лицу оударить; или жердью оударить, а видока два выведоуть, то три гр<sup>вн</sup>ы продаже; оже боудеть варягъ или колягъ, ть полная видока вывести и идета на ротоу.

*О челядѣхъ.*

Аже челядинъ съкрыеться, а заключють и на тѣргу, а за три дни не выведоуть его, а познаети и третии день, ть свои челядинъ пояти, а оному платити 3 гр<sup>вн</sup>ы продаже.

*Оже кто въсядетъ на чюж(ь) конь.*

А оже кто въсядетъ на чюжъ конь, не прашавъ, то 3 гривны.—Аче кто конь погоубить, или ороужие, или портъ, а заповѣдаеть на тѣргоу, и послѣдъ познаеть въ своемъ городѣ, свое емоу лицемъ взяти, а за обиду платити емоу 3 гр<sup>вн</sup>ы.—Аже кто познаеть свое, что боудеть погоубилъ, или оукрадено оу него что, или конь, или портъ, или скотина, то не рыци: се мое, нъ поиди на сводъ, кдѣ еси възьялъ; сведитесь; кто боудеть виновать, на того татѣба снитеть; тьгда онъ свое възметъ; а что боудеть съ нимъ погыбло, тоже емоу начпетъ платити.—Аче боудеть коневый тать, а выдати князю на потокъ; пақы ли боудеть клѣтныи тать, то 3 гр<sup>вн</sup>ы платити емоу.

*О сводѣ.*

А оже боудеть во единомъ городѣ, то ити истьцю до конца того свода; боудеть ли съводъ по землямъ, то ити емоу до третьяго свода; а что боудеть лице, то тому третьемоу платити коунами за лице, а съ лицемъ ити до конца сводоу; а истьцю ждати прока; а кдѣ снитеть на конечняго, то тому все платити, и продажу.

*О татѣбѣ.*

Пақы ли боудеть что татебно коупилъ въ тѣргоу, или конь, или пѣртъ, или скотиноу, то вывести свободна моужа два, или мытника; аже начнетъ не знати,

<sup>1)</sup> „Носъ“, см. Кар. 22.

оу кого коушилъ, то ити по немъ тѣмъ видокомъ на тѣргоу на ротоу, а истцю свое лице взяти; а что с нимъ погыбло, а того емоу желѣти; а оному желѣти своихъ коунъ, зане не знаетъ, оу кого коупивъ; познает ли на долзѣ, оу кого коупивъ, то свое коуны възметъ, и семоу платити, что оу него погыбло, а князю продаю.

*О челядинѣ.*

Аже кто познаетъ челядинъ свои оукраденъ, а пойметъ и, то оному вести и по коунамъ и до третьяго свода; пояти же челядинъ въ челядина мѣсто, а оному дати лице; отъ идеть до конечнаго свода; а то есть не скоть, незѣ речі: не вѣдѣ, оу кого есмъ коушилъ, нѣ по языку ити до конча; а кдѣ боудеть конечнии тать, то опять воротитъ челядина, а свои пойметъ; и проторъ томоуже платити; а князю продаже 12 грне въ челядинѣ, или оукрадше <sup>1)</sup>.

*О сводѣ.*

А и своего города въ чюжо землю свода нѣтоутъ; нѣ такоже вывести емоу послоухы, любо мытника, передъ кымъ же коупивъше; то истцю личе взяти, а прока емоу желѣти, что с нимъ погыбло; а оному своихъ кунъ желѣти.

*О татѣбѣ.*

А оже оубыють кого оу клѣти, или оу которой татѣбѣ, то оубыють въ пса мѣсто; ожели и додѣржать свѣта, то вести и на княжъ дворъ; ожели оубыють и, а оуже боудоутъ видѣли людие съвязана, то платити в томъ 12 грвне. Аже крадетъ кто скоть въ хлѣвѣ, или клѣтѣ, то же боудеть одинъ, то платити ему 3 грвны и по 30 кунъ (а оу негоже погыбло <sup>2)</sup>); боудеть ли ихъ много, то всѣмъ по 3 грвны и по 30 коунъ платити.

*О татѣбѣ же.*

Аже крадетъ скоть на поли, или овцы, или козы, или свинье, 60 коунъ; боудеть ли ихъ много, то всѣмъ по 60 кунъ. Аже крадетъ гоумно, или жито въ ямѣ, то колико ихъ боудеть крало, то всѣмъ по 3 грвны и по 30 коунъ; а оу негоже погыбло, то оже боудеть лице, то лице пойметъ, а за лѣто възметъ по полугрвнѣ; паки ли лица не боудеть, а боудеть былъ княжъ конь, то платити занъ 3 грвны, а за инѣхъ по двѣ грвнѣ.

*А се оуроци скотоу.*

Оже за кобылоу 60 коунъ, а за волъ гривноу, а за коровоу 40 коунъ, а за третьякоу 30 коунъ, а лоньщиноу полъ грвны, а за теля 5 коунъ, а за свинью 5 коунъ, а за пороса ногата, а за овцю 5 коунъ, а за боранъ

<sup>1)</sup> Ошибка, вм. оукраденъ или оуведенъ есть; см. Кар. 35.

<sup>2)</sup> Слова, взятые въ скобки, написаны въ подлинникѣ ошибочно.

ногата, а за жеребець, оже не въсѣдано нань, то грѣна коунъ, а за жеребя 6 ногатъ, а за коровие молоко 5 ногатъ; то ти оуроци смърдомъ, оже платятъ князю продаю.

*Оже боудоуть холопи татѣ, соудъ княжѣ.*

А еже боудоуть холопи татѣ, любо княжи, любо боярьстин, любо чернѣчи, ихъ же князь продажею не казнитъ, за не соуть не свободни, то двоини платити истцю за обиду.

*А оже кто скота възницеть.*

А оже кто възницеть коунъ на друзѣ, а онъ ся начнетъ заpirати, то оже нань вывести послосу, то ти поидоуть на ротоу, а онъ възмѣтъ свое коуны; занеже не далъ емоу за много лѣтъ, то платити емоу за обиду 3 грѣны.

Аже кто коупецъ коупцю дасть въ коуплю коуны, или въ гостѣбоу, то коупцю передъ послухы коунъ не имати, послуси емоу не надобѣ; нѣ ити емоу самому ротѣ, оже ся почнетъ заpirати.

*О поклажаи.*

Аже кто поклажаи кладеть оу кого любо, то тоу послуха нетоуть; нѣ оже начнетъ болшимъ кляпати, томоу ити ротѣ, оу кого то лѣжалъ товаръ: а толко еси оу мене положилъ; за неже емоу бологодѣлъ и хоронилъ товаръ его.

*О рѣзѣ.*

Аже кто коуны дасть въ рѣзъ, или наставъ на медъ, или жито въ просопъ, то послухы емоу ставити; како ся боудеть рядилъ, тако емоу емати.

*О мѣщнымъ рѣзѣ.*

А мѣщный рѣзъ, оже за мало, то имати емоу; заидоуть ли ся коуны до тогоже года, то дадять емоу коуны въ третѣ, а мѣщны рѣзъ отгрѣноути; послуховъ ли не боудеть, а боудеть коунъ 3 грѣны, то ити емоу про свое коуны ротѣ; боудеть ли боле коунъ, то рчи емоу тако: промиловалъ еси, оже еси не ставилъ послуховъ.

*А се оустави Володимиръ.*

А се оуставилъ Володимиръ Всеволодичъ, по С(вя)тополче съзвавъ дружиноу свою на Берестовомъ: Ратибора тысячького Киевского и Прокопию—Бѣлого-родьского тысячького, Станислава—Переяславского тысячького, Нажира, Мировлава, Иванка Чюдиновича Ольгова моужа, и устави люди <sup>1)</sup> до третьяго рѣза, оже емлетъ въ рѣзъ коуны, аже кто възмѣтъ два рѣза, тѣ то взяти емоу исто; пакъ ли възмѣтъ три рѣзы, то нста емоу не взяти.

<sup>1)</sup> „Люди“—ошибка вм. „оуставили и“ (см. Троиц. 48; Кар. 66).



*О рѣзѣ.*

(А) же кто емлетъ по 10 коунъ отъ лѣта на грѣноу, то того не отметати.

*О закоунѣ.*

(А) же закоунъ бѣжитъ отъ гды, то обѣль; и деть <sup>1)</sup> искать коунъ, а явлено ходитъ или къ князю, или соудиямъ бѣжитъ обиды дѣля своего гна, нъ про то не роботять его, нъ дати емоу правдоу.

*О послушствѣ.*

На послушство холопа не складають <sup>2)</sup>, но оже не боудеть свободнаго, то поужа сложити на боярскаго тиоуна, а на инѣхъ не складывати.

*О бородѣ.*

А въ малѣ тяже по поуже сложити на закоуна.—А кто порѣвѣтъ бородоу, а выиметь знаменье, а вылѣзоутъ людье, то 12 грѣнѣ продаже; аже безъ лудии, а въ поклепе, то нѣтоу продаже.

*О зoubѣ.*

Оже выбыють зoubъ, и крѣвь оувидать оу него въ ртѣ, а людѣ вылѣзоутъ, то 12 грѣнѣ продаже, а за зoubъ грѣна.

*О бѣрти.*

Аже оукрадетъ кто борть, то 12 грѣнѣ продаже; аже боудеть росѣчена земля или на земли знаменье, имже ловлено, или сѣтъ, то по вѣрви искати въ собѣ татя, либо платити продажу.

Аже рознаменаеть бѣрть, то 12 грѣнѣ; аже межю перетнетъ бортьноюу, или ролѣиноу розореть или дворною тыномъ перегородить, то 12 грѣнѣ продаже.—Оже доубъ перетнетъ знаменнымъ, или межьнымъ, то 12 грѣнѣ продаже.

*А се наклады.*

А се наклады 12 грѣноу: отрокоу двѣ грѣнѣ и 20 коунъ, а самому ѣхати съ отрокомъ на двоу коню; соути же на ротъ овьсъ, а мясо дати овьнѣ или полтъ; а инемъ кормомъ, что има чрево възметь; посюю 10 коунъ, перекладнаго 5 кунъ, а за мѣхъ двѣ ногатѣ.

*О женѣ.*

Оже кто оубьетъ женоу, то тѣмже соудомъ соудити, якоже и моужа, оже боудеть виноватъ, то полъвиры 20 грѣнѣ.

<sup>1)</sup> Пропущ. *ли*.

<sup>2)</sup> Ошибка, вм. „складають“.

А въ холопѣ и въ робѣ виры нѣтоутъ; нѣ оже боудеть безъ вины оубиенъ, за холопѣ оуроку заплатити, или за робоу, а князю 12 гривнѣ продаже.

*О задници.*

Аже оумреть смердъ, то задница князю; аже боудоутъ дочери оу него дома, то даяти часть на нѣ; аже боудоутъ за моужемъ, то не дати имъ части.

*О задници боярстѣи и о дружиннѣ.*

Аже въ боярѣхъ, или въ дружинѣ, то за князя задница не идетъ, нѣ оже не боудеть сивъ, а дѣчери възмоутъ.

Аже кто оумирая раздѣлитъ домъ, на томъже стояти; пакы ли безъ рядоу оумреть, тѣ все дѣтемъ, а на самого часть дати дѣи.— Аже жена сидеть по моужу, то оу своихъ дѣтеи взят(и) часть; а что на ню моужъ възложить, тѣ томоу гжа есть; а задница еи моужня не надобѣ. Боудоутъ ли дѣти то что (что) <sup>1)</sup> първоп жены, тѣ то възмоутъ дѣти мтри своей; любо си на женоу възложилъ боудеть, обаче мтри своей възмоутъ. Оже боудеть сестра въ домоу, тѣ то задница не надобѣ, нѣ отдадять ю за моужъ брат(ъ)я, како си могутъ.

*А се о женѣ, оже вѣрчеться сѣдѣти по моужу.*

А еже жена вѣрчеться сѣдѣти по моужу, а роостеряеть добытокъ, то поидеть за моужъ, то платити еи все дѣтемъ. Не хотѣти ли еи дѣти начноутъ ни на дворѣ, а она начнеть хотѣти всяко и сѣдѣти, то творити еи всякоу волю, а дѣтемъ не дати воле; нѣ что еи далъ моужъ, съ тѣмъже еи сѣдѣти; или свою часть въземши, сѣдитъ же.— А мтриа часть дѣтямъ не надобѣ, нѣ комоу мти дасть, тому же взяти; дасть ли всемъ, то все роздѣлять; безъ языка ли оумреть, то оу кого боудеть на дворе была, и кто ю кѣрмилъ, то томоу взяти.— Аже боудоутъ двою моужю дѣти, а одиной мтри...<sup>2)</sup>, а онѣмъ своего; боудеть ли потер(я)лъ своего иномѣ что, а онѣхъ отца, а оумреть, то възворотять брати, нанъже и людѣ вылезуть, что боудеть оцъ его истер(я)лъ иномѣся; что ему своего оця то дѣржать. А мтри который сѣнъ боудеть добръ, томоу же дасть свое; аче вси боудоутъ еи сиви лиси, а дѣчери можетъ дати, кто ю кѣрмитъ.

*А се оурочи судебнии.*

А се оурочи соудебнии: от виры 9 кунъ, а метелникоу 9 вѣкошь, а от бортьной земли 30 коунъ, а о нѣхъ <sup>3)</sup> всежъ тяжъ, комоу помогоутъ, по 4 коуны, а метелникоу 6 вѣкошь.

<sup>1)</sup> Ошибочно повторено въ подлинникѣ.

<sup>2)</sup> Пропущено въ подлинникѣ: „то онѣмъ своего отца задница“ (см. Троицк. 97, Кар. 115)

<sup>3)</sup> Ошибка, вм. „а о нѣхъ“ (см. Троицк. 99.)

*О задници.*

Аже братья ростяжются передъ княземъ о задницу, то который дѣчкы пдѣтии <sup>1)</sup> ихъ дѣлать, то тому взяти гръ вна коунъ.

*Оурачи ротнии.*

А се оурици ротнии отъ головы 30 коунъ, а отъ бортовой земли 30 коунъ бес треи коунъ, такоже и отъ роленной земли, и отъ свободы 9 кунъ.

*А се о коуницѣ оже истопить(я).*

(А)же который коуныцъ, шедъ кдѣ любо съ чюжими коунами, и истопиться, любо рать възметъ, любо огнь, то не насилити емоу, ни продати его; нъ како почнетъ отъ лѣта платити, такоже платитъ, занеже пагоуба отъ Ба есть, а пениновать есть; оже ли пропьется или пробиется, въ безоумии чюжь товаръ испорытитъ, то како любо тѣмъ, чье то коуны, жьдоуть ли емоу, а своя имъ воля; или продадять ли, своя имъ воля.

*О долзѣ.*

Аще кто многымъ долженъ боудеть, а пришедъ гость изъ иного города, или чюжеземьцъ, а не вѣдая запоуститъ занъ [товаръ, а опять начнетъ не дати (начнетъ) <sup>2)</sup> гостикуунъ емоу, а първи дѣлжбити <sup>3)</sup> начьнутъ емоу запинати, не дадоуче емоу коунъ, то вести и на торгъ и продати и; отдати же първѣе гостины коуны, а домашнымъ что ся останеть коунъ, тѣмъ же ся подѣлять; паки же ли боудоуть княже коуны, то княже коуны переже взяти, а прокъ въ дѣль. Аже кто много реза ималь, то томоу не имати.

*О закоунѣ.*

Оже ролѣинны зокупъ оу гна боудеть, а погоубить воискыи конь, то не платити емоу; нъ еже далъ емоу гнѣ плюгъ и бороноу, отъ негоже копоу емлетъ, тѣ то погоубивъши емоу платити; оже ли гнѣ отселеть его на свое орудье, а погышетъ безъ него, того емоу не платити.

*О закоунѣ.*

Оже изъ хлѣва выведоуть, то закоупоу того не платити; нъ оже погоубить на поли и на дворъ не въженеть и и не затворить, кдѣ ему гнѣ велить, или орудия своя дѣя, а того погоубить, то то емоу платити.

Аже гнѣ переобидить закоуна, а оувѣдитъ враждоу его, или отарицу, то то емоу воротити, а за обидоу емоу платити емоу 7 коунъ <sup>4)</sup>; паки ли приметъ на

<sup>1)</sup> Ошибка, вм. „идеть ихъ дѣлать“ (см. Троицк. 100, Кар. 117).

<sup>2)</sup> Повторение въ подлин.

<sup>3)</sup> Вмѣсто: „должници“ (см. Кар. 69).

<sup>4)</sup> Это вмѣсто правильнаго (въ друг. спискахъ): 60 кунъ.

немь коунъ; то о<sup>а</sup>пять емоу воротіти коуны, что боудеть приалъ, а за обиду платили емоу 3 гр<sup>а</sup>внѣ продаже; продасть ли г<sup>а</sup>нъ закоупа обьлѣ, то наимету свобода въ всехъ коунахъ, а г<sup>а</sup>ну платили за обиду 12 гр<sup>а</sup>внѣ продаже.

Аже г<sup>а</sup>нъ бьеть закоупа про дѣло, то безъ вины есть, бьеть ли не смысла, пьянъ, безъ вины, то якоже и въ свободнемъ платежѣ, такоже и въ закоупѣ.

#### *О холопѣ.*

Аже холопъ обѣльными выведеть конь чини любо, то платити зань 2 гр<sup>а</sup>внѣ.

#### *О закоупѣ.*

О закоупѣ, оже оувѣдетъ что, то г<sup>а</sup>нъ въ томъ; нъ оже г<sup>а</sup>нъ <sup>1)</sup> индѣ налѣзоутъ, то заплатитъ передни<sup>а</sup> г<sup>а</sup>нъ его конь, или что боудеть взялъ; емоу холопъ обѣльными; паки ли г<sup>а</sup>нъ не хотѣти начнеть платити зань, а продасть и, отдасть же переди или за конь, или за волю, или за товаръ, что боудеть чюжего взялъ, а прокъ емоу самому взяти себѣ.

#### *А се оже холопъ оударитъ.*

Аже холопъ оударитъ свободна моужа а оубѣжитъ въ хоромъ, а г<sup>а</sup>нъ его не выдасть, то платити зань г<sup>а</sup>ноу 12 гр<sup>а</sup>внѣ; а затѣмъ аче кдѣ налѣзетъ удареныи ть своего истча; кто же его оударилъ, то Ярославъ былъ оуставилъ и оубити, нъ снове его оуставиша по оци на коуны, любо и бити развязавше, или взяти гр<sup>а</sup>вна кунъ за соромъ.

#### *А се о борти.*

Аже борть подѣтнеть, то 3 <sup>2)</sup> продаже, а за дерево полъг<sup>а</sup>внѣ; аже бчелы выдереть, то 3 гр<sup>а</sup>вне продаже, а за медь, оже боудоутъ бчелы не лажены, то 10 коунъ; боудеть ли олекъ, то 5 коунъ. Не боудеть ли татя, то по слѣдоу женоутъ; аже не боудеть слѣда или къ селюу, или к товароу, а не отсочать отъ себе слѣда, ни едутъ на слѣдъ, или отобиються, тѣ тѣмъ платити татбоу и продажо; а слѣдъ гнати съ чюжими людми а съ послоухы; аже погоубять слѣдъ на гостинци на велицѣ, а села не боудеть, или на поусте, кдѣ же не боудеть ни села, ни людин, то не платити ни продаже, ни татѣбы.

#### *О смърдѣ.*

Оже смърдъ моучить смърда безъ княжя слова, то 3 гр<sup>а</sup>вн продаже, а за моукоу гр<sup>а</sup>вна коупъ; аже огнищанина моучить, то 12 гр<sup>а</sup>вне продаже, а за моукоу гр<sup>а</sup>вна.—Аже лодью оукрадетъ, то 60 коунъ продаже, а лодью лицемъ воротити, а за морьскоую лодью 3 гривны, а за набоиноую 2 гр<sup>а</sup>вне, а за челнъ 50 коунъ, а за строугъ гр<sup>а</sup>вна.

1) Ошибка, вм. *кдѣ* (см. Троицк. 57, Кар. 75).

2) Такъ въ подлин.

*О перевесѣхъ.*

Аже перетнеть вѣрвь въ перевесѣ, то 3 грѣвне продаже, а за вѣрвь грѣвна кунѣ; аже кто оукрадетъ въ чееи перевесе или соколѣ, или ястрябѣ, то продаже 3 гривны (продаже) <sup>1)</sup>, а гноу грѣвна, а за голубѣ 9 коунѣ, а за коуря 9 коунѣ, а за оутовѣ 30 коунѣ, а за гоусѣ 30 коунѣ, а за лебедѣ 30 коунѣ, а за жеравѣ 30 коунѣ. А в сенѣ и въ дровѣхъ 9 кунѣ, а гноу колико боудеть возѣ оукрадено; то имати ему по 2 ногатѣ за возѣ.

*О гоумнѣхъ.*

Аже зажжеть гоумно то на потокѣ и на розграбежѣ домѣ его, переди пагоубоу исплатить, а въ прочи князю поточити и; такоже оже кто дворѣ зажжеть.

А кто пакощами порежеть конѣ, или скотиноу, то продаже 12 грѣвне, а за пагоубоу грѣвноу оурокоу платити

Ты также все соудать послоухы свободными; боудеть ли послоухѣ холопѣ, то холопоу на правдоу не вылазѣти, нѣ оже хочеть истѣчь, или иметь и, а река тако: по сего речи емлю тя, нѣ азѣ емлю тя, а не холопѣ, и емете и на желѣзо; аже обвинить и, то емлетъ на немѣ свое, не обвинить ли его, а платити емоу гривноу за моукоу, за <sup>2)</sup> по холопѣи речи ялѣ и; а желѣзнаго платити 40 коунѣ, а мечникоу 5 коунѣ, а полѣ-грѣвне дѣтѣчскому, — то ти желѣзныи оурокоу, кто си въ чемѣ емлетъ, оже иметь на желѣзо по свободныхъ людѣи речи, любо запапанѣ боудеть, любо прохоженне почное, или кымъ любо образомъ, аже не ожжеться, то про моукы не платити емоу, нѣ одноу желѣзное, кто боудеть ялѣ.

*А се закладающе городѣ.*

А се оуроци городникоу: закладающе городня, куна взяти, а кончавше ногата; а за кормѣ, и за вологу, и за мясо и за рыбы 7 коунѣ на недѣлю, 7 хлѣбовѣ, 7 оубороковѣ пшена, 7 лоуконѣ овса на 4 кони; имати же емоу донелѣ городѣ сърубить; а солодоу дадѣти емоу одноу 10 лоуконѣ.

*А се оуроци мостьникоу.*

А се мостьникоу оуроци: помостивѣше мостѣ, взяти отъ 10 локотѣ по ногатѣ; аже починить моста ветхаго, то колико городенѣ починить, то взяти емоу по коунѣ отъ городне; а мостьникоу ехати самому съ отрокомѣ на двоу коноу, взяти 10 лоукна овса на недѣлю; а ѣсти, что можета.

*О задници.*

Аже боудоуть робѣе дѣти оу моужа, то задницѣ имѣ не имати, нѣ свобода имѣ съ матерью. Аже боудоуть въ домоу дѣти малы, а не джи ся боудоуть сами собою печаловати, а мти имѣ пойдеть замоужѣ, то токмо имѣ ближен боудоуть, томоуже дати на роуцѣ и съ добыткомѣ и съ домоу, донелѣже възмогутъ; а то-

<sup>1)</sup> Повторено въ подлинникѣ.

<sup>2)</sup> Ошибка, вм. „зане“ (См. Троицк. 81, Кар. 99).



варъ дати передъ людьми; а что сѣрѣзить товаромъ тѣмъ, ли пригостить, то то ему собѣ, а истинъ товаръ воротить имъ, а прикупъ емоу собѣ, зане кѣрмилъ и, печаловался; оже отъ челяди плѣдъ, или отъ скота, то то поимати лицемъ, что поималъ боудеть; или истерялъ, то то емоу все платити дѣтѣмъ тѣмъ. Ачеже и отъцимъ приметъ дѣти съ задъницею, то такоже есть рядъ; а дворъ безъ дѣла отънь всяко мнѣшему снви.

#### О холопствѣ.

Холопство обльное трое: оже коупить хотя и до полоу гривны, а послуухы поставятъ; а ногатоу дать передъ самѣмъ холопомъ. А второе холопство — поиметь робоу безъ рядоу; поиметь ли ся съ рядомъ, то како боудеть ся рядилъ на томъ же стоять. А се третье холопство — тиоуństwo безъ рядоу; или привяжетъ к собѣ ключъ безъ рядоу; или съ рядомъ, то како ся боудеть рядилъ, на томъ же стоять. — Даче не холопъ, ни по хлѣбе роботять, ни по придатьцѣ; нѣ оже не доходятъ года, то ворочати емоу мсть; отходить ли, то не виновать есть. Аже холопъ бѣжитъ, а заповѣсть господинъ, оже слышавъ кто, или зная и вѣдая, оже есть холопъ, и дать емоу хлѣба, или оукажетъ емоу поутъ, то платити емоу за холопъ 5 грънѣ, а за робоу 6 грънѣ. Аже кто переиметь чюжь холопъ и дать вѣсть гноу его, то имати ему переемъ гръна коунъ; не оублюдетъли, то платити емоу 4 гръны, а пятая емоу переима; оже боудеть роба, тѣ 5 грънѣ, а шестая на переемъ отходить; аже кто своего холопа самъ досочиться въ чиемъ любо родѣ <sup>1)</sup>, а боудеть посадникъ не вѣдалъ его, то повѣдавшѣ емоу, пояти оу него отрокъ и шедъши оувязати и и дати емоу вязебное 10 коунъ, а переима нѣтоутъ; аче оупустить, собѣ емоу пагоуба, а не платитъ в то нѣкто же; тѣмъже и переима нѣтоутъ. Аже ктѣ не вѣдая чюжь холопъ, оусрячетъ, или вѣсти дѣть, любо държить оу себе, идеть отъ него, то ити емоу ротѣ, яко не вѣдалъ есмь, оже есть холопъ; а платежа въ томъ нѣтоутъ. Ачеже холопъ кдѣ коуны вложить, а онъ не вѣдая вдаль, то гноу выкоупати, али лишитися его; вѣдая ли боудеть далъ, то коунъ емоу лишитися. Аже кто поустить холопа въ торгъ, а одолжаетъ, то выкоупати его гноу, а не лишитися его. А кто же крѣнетъ чюжь холопъ, не вѣдая, то първомоу господиноу холопъ пояти, и оноу коуны имати, ротѣ ходивше, яко не вѣдая есмь коупилъ... <sup>2)</sup> господиноу же и товаръ, а не лишатися его. Аже кто бѣжа, а поемлетъ что соусѣдне, или товаръ, то гноу платити занъ оурокъ, что боудеть взять. Аже холопъ крадетъ кого любо, то гноу выкоупати и, любо выдати и съ кымъ боудеть краль; а женѣ и дѣтемъ ненадобѣ; а оже боудутъ с нимъ крали и хоронили, то всехъ выдати, пакыли а выкоупаетъ гнѣ; аже боудутъ свободнии с нимъ крали, или хоронили, то князю въ продаже.

<sup>1)</sup> Въ др. спискахъ: „городѣ“.

<sup>2)</sup> Здѣсь пропускъ словъ: „Оже холопъ, бѣгая добоудеть товару, гноу холопъ и долгъ“.

Вообще древнѣйшій списокъ Русской Правды стлчается отъ нѣкоторыхъ болѣ позднимъ значительною несправностью текста.

## ДОПОЛНИТЕЛЬНЫЯ СТАТЬИ РУССКОЙ ПРАВДЫ ИЗЪ ДРУГИХЪ СПИСКОВЪ.

### *О конѣ.*

1) А кто конь купить княжь бояринъ или купецъ или сирота, а будетъ въ конѣ червь или проѣсть, а то поидеть къ оснодарю, у кого будетъ купилъ; а тому свое серебро взяти опять взадъ за три годы („Изслѣд.“ Н. В. Калачева ст. X.).

### *А се бещестіе.*

2) За бещестную гривну золота, а будетъ баба была въ золотѣ и мати, взяти ему 50 гривенъ за гривну золота; еще будетъ баба не была въ золотѣ, а по матери ему не взяти золота, взяти ему гривна серебра, а за гривну серебра полъосми вгривнѣ (*гривнѣ*). (Тамъ же ст. L.).

### *О кованіи мужемъ.*

3) Аще ли скоуетъ мужъ мужа или кого ни есть въ винѣ или колико съдѣть, взяти желѣзнаго 5 коунѣ; а кормить своимъ хлѣбомъ, ино ему взяти гривна да 5 кунѣ (*изъ ст. Правды въ рукописномъ сборникѣ бывшей Соловецкой библіотеки 1493 г. См. А. Павлова: „Первоначальный славяно-русскій номоканонъ“ . Казань 1869 г. стр. 99).*

---

## V.

## СПИСОКЪ КНЯЗЯ ОБОЛЕНСКАГО.

### *Правда Русская.*

1. Аще убіесть мужъ мужа, то мстити брату брата, либо отцу, либо сыну; ожели не будетъ кто его мсти, то положити за голову 80 гривенъ, либо разсудити по мужи смотря.

### *О мужи кровавѣ.*

2. Аще приидеть кровавъ мужъ на дворъ или сынъ, то видока ему не искати; но плоти ему продажа за бещестіе, каковъ будетъ; аще не будетъ на немъ знаменіе, то привести ему видокъ: слово противу слова.

3. Аще же ударить мечемъ или ножемъ, а не на смерть, то князю вины 9 гривенъ, а испу за раны судятъ; аще ударить на смерть <sup>1)</sup>...

4.... <sup>2)</sup> жердію или попехнеть, а знаменія нѣтъ, а видокъ будетъ, аще будетъ боляринъ, или людинъ, или варягъ, крещенія не имѣа, то по ихъ пути платити бесчестіе; аще видока не будетъ, ити имъ на жребі <sup>3)</sup>, а виноватын въ продажъ <sup>4)</sup>, во что обложатъ.

#### О разбойницѣ.

5. Будетъ сталъ на разбой, за то <sup>5)</sup> разбойника люди не плотятъ, то выдадутъ его всего съ женою и съ дѣтми на разграбленіе.

6. Аже кто не вложится въ дикою вѣру, тому людіе не помагають, но самъ плотить.

#### О поклепши вѣрѣ.

7. Аще будетъ на кого поклепъ, а не будетъ послухъ 7, то же выведутъ вѣру, либо варягъ или инъ, а по костехъ и по мертвецѣ не платити вѣры, аже имени не вѣдають, ни знаютъ его.

#### О вседѣши на чюжъ конь.

8. Аще кто всядетъ на чюжъ конь не прошавъ, то за то 3. гривны.

9. Аще кто поймается за конь, или за портъ, или скотину и наречеть: „се мое“, но поиди на сводъ, гдѣ еси взялъ, а что съ нимъ погубло, то ему плотити.

10. Аще коневын тать, выдати его князю на потокъ, а клетнын тать, то 3. гривны платити ему.

#### О купли.

11. Аще что будетъ татебно купилъ въ торгу, конь, или портъ, или скотину, то выведетъ свободна мужа два или мытника; аще начнетъ не знати у кого купилъ, то ити по немъ тѣмъ видокомъ на роту, а испу свое лицемъ взяти.

#### О сводѣ.

12. А свода изъ своего города въ чюжу землю нѣтъ.

#### О убитіи татя.

13. Аже убіетъ кого у клети или у которые татбы, то убить во пса мѣсто; аже его до свѣта удержитъ, то вести его на княжъ дворъ, а будетъ люд(и) видѣли связана, а убіють, то платити 12 гривенъ.

<sup>1)</sup> Пропущено: то вира платити.

<sup>2)</sup> Здѣсь для полного смысла недост. словъ: или ударить.

<sup>3)</sup> Чит.: жребій. — <sup>4)</sup> Должно быть: въ продажѣ.

<sup>5)</sup> Вѣроятно ошибк. в.м.: то за.

14. Аже ли крадетъ кто скотъ въ хлевѣ или клѣтѣ, аже единъ кралъ, то платити ему 3. гривны и 30. кунъ, а буде ихъ много, плати по 3. гривны и по 30. кунъ.

О уроцехъ скоту.

15. Аще крадетъ скотъ, за лошадь 7 <sup>1)</sup> кунъ, за волъ гривна, за корову 40 кунъ, за лошаину полгривны, за теля, за свинію по 5 кунъ.

16. Аже будетъ холопи тати кто, кто княжъ, ихъ же князь обиду платитъ итцу.

О поклажеи.

17. Аще кто поклаже кладетъ у кого, тому послуха нѣтъ; но оже почнетъ болши клепати, ити ротъ у кого лежалъ товаръ.

О рѣзѣ.

18. Аще кто даетъ куны въ рѣзы или жито въ присопъ, то послуш ему оставити <sup>2)</sup>, какъ ся рядилъ, такъ ему имати.

О потопленіи купцы.

19. Аще который купецъ гдѣ либо съ чюжими кунами истопиться, или рать возьметъ, либо огнь, то не насилити ему, ни продати его; аже ли пропѣтсѣ, то воля тому, чіи куны, ждуть или продадутъ, своя имъ воля.

О долзѣ.

20. Аще кто многимъ долженъ будетъ, а приидетъ гость изъ <sup>3)</sup> иного града, или чюжъземецъ, не вѣдая, запуститъ за него товаръ, и не хочеть гостю дати кунъ, а первыи должники начнутъ ему зашпнати, тогда вести его на торгъ и продати и дати преже иноземцу, а домашнимъ, что ся останеть, нынѣ <sup>4)</sup> подѣлять; аще за нимъ будутъ княжи купы, прежь имати, а прочее въ дѣль; а кто много рѣза ималъ, тому не имати кунъ.

О бородѣ.

21. Аще кто порветъ бороду, а возьметъ знаменіе и стануть видокн, то 12 гривень продажи; аже безъ людей въ поклепѣ, нѣту продажи.

О зубѣ.

22. А зубъ выбіють, кровь у него видать во ртѣ, а людей вылезуть, то 12 гривень продажи, а за зубъ гривна.

<sup>1)</sup> Надъ числомъ 7 въ подлинникѣ поставлено еще 80. Въ сп. Толстовскомъ в.м. 7—60.

<sup>2)</sup> Должно быть: поставити.

<sup>3)</sup> ошибк. в.м. изъ.— <sup>4)</sup> в.м. нынѣ, должно быть: и онѣ.

О бобрѣ и о розломаней борти.

23. Аще кто украдетъ бобръ или сѣтъ, или разламаетъ бортъ, или кто посѣчетъ древо на межѣ, то перви <sup>1)</sup> искати тя <sup>2)</sup> въ себѣ, а плати 12 гривенъ продажи.

О посѣченіи бортеи.

24. Аще бортъ посѣчетъ кто, 3. гривны продажи, а за древо полгивны.

25. Аже пчелы выдереть, 3. гривны же.

О перевѣсѣ.

26. Аще кто потнетъ вервь перевѣсную, 3. гривны продажи, а господину за вервь гривна.

27. А украдетъ кто пзъ лова, ли ястребъ, или соколъ, продажи 3. гривны а господину гривна.

28. За голубъ 9 кунъ.

29. За утя, за гусь, за жеравль и за лебедь 30 кунъ.

30. За возъ дровъ 2 нагаты.

О гумнѣ.

31. Аще кто зажжетъ гумно, то на потокъ и на грабежъ домъ его, а первѣ пагуба исплативше. А кто дворъ зажжетъ, такоже, а въ процѣ князю поточити.

32. Аще кто пакости дѣя, либо конь зарежетъ, или скотину, продажи 12 гривенъ, а за пагубу господину урокъ платити.

О послусахъ.

33. Тяжи всѣ судити послухи свободными; будетъ послухъ холопъ, то холопу на правду не стати, но оже хочеть истецъ.

О женѣ.

34. Аще кто убіетъ жену, тѣмъ же судомъ судити, яко же и мужа, аже будетъ виновать, то полѣры, 20 гривенъ.

35. А въ холопѣ и въ гробѣ<sup>3)</sup> вѣры нѣтъ; но оже безъ вины убіенъ, то за холопъ урокъ платити или за рабу, а князю 12 гривенъ продажи.

О задницѣ боярстѣи.

36. Аще въ боярехъ или въ дружинѣ, за князя задница не идетъ; оже не будетъ ни сыновъ, а дщери возмуть.

<sup>1)</sup> в.м. перви должно быть: по верви.—<sup>2)</sup> ошибк. в.м. татя.

<sup>3)</sup> ошибк. в.м.: и въ робѣ.



37. Аще ли кто умирая раздѣлитъ домъ свой дѣтемъ, на томъ же стоять; безрядну<sup>1)</sup> ли паки умереть, то веѣмъ дѣтемъ, а на самого часть дати души.

38. Ажели жена сядетъ по мужи, то дати души<sup>2)</sup> на ню часть, а что на ню мужъ возложить, тому есть госпожа, а задница ей мужня не надобя; будетъ ли дѣти, то что первѣ жены, то возмутъ дѣти матери своей, любо сн<sup>3)</sup> жену будетъ возложилъ, обаче матере своя, и то возмутъ.

39. Аже ли будетъ сестра въ дому, то задницы ен не имати; но отдадутъ брати<sup>4)</sup> ю за мужъ, како си могутъ.

40. Аже будутъ рабѣи дѣти у мужа, то задница имъ не имати, но свобода имъ съ матерію.

41. Аже ли будутъ дѣти малы въ дому, а не дюжи сами собою печаловать, а мати ихъ поидетъ за мужъ, то кто имъ ближніи будетъ, тому дадутъ на руцѣ съ домомъ, донележе возмогутъ; а товаръ дати передъ людьми, а что изрѣзитъ товаромъ тѣмъ или пригоститъ, то ему, а истовой товаръ имъ; аже ли отъ чeledи плодъ или отъ скота, то все поимати лицемъ, а что ростерялъ, то ему платити.

42. Аще же отчимъ приметъ дѣти съ задницею, то такожь есть рядъ, а дворъ всякои меншему сынови.

#### О холопствѣ.

43. Холопство обилное которое<sup>5)</sup>: аже кто купитъ, хотя до полугривны, а послухи поставитъ, а наготу<sup>6)</sup> дастъ предъ самимъ холопомъ.

44. А другое холопство: аже поиметъ рабу безрядну<sup>7)</sup>; поиметъ ли не<sup>8)</sup> съ рядомъ, на томъ и стоять.

45. А третіе холопство: тіунство безъ ряду или привяжетъ ключъ къ себѣ безъ рядомъ; а съ рядомъ, на чемъ ся редилъ, на томъ и стоять.

46. А въ дачѣ, ни по хлѣбѣ не холопъ, отидеть не виновать есть.

47. Аже холопъ бѣжитъ, заповѣдаетъ его господинъ, аже слышавъ кто, или знаа, или вѣдая дастъ ему хлѣба, или путь укажетъ, то плати ему за холопа 5 гривень, а за рабу 6.

48. Аже переиметъ чюжь холопъ и подастъ вѣсть господину, то перенма ему гривня; а не убюдетъ холопа, то платити ему 4 гривны, а за рабу 5 гривень.

49. А кто самъ свѣдаетъ своего холопа въ чьемъ городѣ, а посадникъ любо не вѣдалъ, то повѣдати ему и пояти отъ него отрокъ и шедше увязати его и дати ему вяжчего 10 кунъ, а переиму нѣту; аже ли за нимъ гоня застрѣлитъ, то себѣ ему бѣда, а не платити въ томъ ничего.


50. Аще ли кто не вѣдая чюжь холопъ срѣтитъ и повѣсти дѣетъ или держить у себя, а отидеть отъ него, то ити ему къ ротѣ, яко не вѣдалъ есмь, что холопъ и бѣгаетъ, а платежа ему въ томъ нѣту.

<sup>1)</sup> безъ ряду.

<sup>2)</sup> Слово души здѣсь, очевидно, лишнее и въ другихъ спискахъ его нѣтъ.

<sup>3)</sup> прощц. на. — <sup>4)</sup> братіе. — <sup>5)</sup> ошибк. вл. трое. — <sup>6)</sup> наготу.

<sup>7)</sup> безъ ряду. — <sup>8)</sup> Здѣсь не, очевидно, лишнее.



51. А гдѣ холопъ куны вложитъ, а онъ буде не вѣдая далъ, того господину выкупати; а вѣдая далъ, кунъ лишитися.

52. Аще кто пуститъ холопа въ торгъ, а одолжаетъ, то выкупати господину его или лишитися его.

53. А кто купилъ, не вѣдая, чужъ холопъ, то первому господину холопъ, а оному куны имати, ходивше ротъ, яко не вѣдая купилъ есмь.

54. А чѣи холопъ побѣжитъ, а возметъ что у сосѣдъ, платити господину чѣи холопъ.

55. Аще ли съ нимъ<sup>1)</sup> свободни крали или хоронили, то всѣ князю въ продажу.



---

<sup>1)</sup> т. е. холопомъ.

## ОГЛАВЛЕНІЕ.

	Стр.
Предисловіе . . . . .	3
I. Списокъ академическій . . . . .	5
II. Списокъ троцкій . . . . .	8
III. Списокъ карамзинскій . . . . .	18
IV. Списокъ синодальный . . . . .	34
V. Списокъ кн. Оболенскаго . . . . .	45









ЦЕНТРАЛЬНОЕ ИРГОПРОСВЕЩЕНИЕ  
Московск. Обл. Библиотека







